



90214

曾劄劄襲侯五十壽序

光緒辛壬

御史臺長

長品適承之

光緒辛壬間曾侯劄劄既襲爵累遷御史臺長長品適承之

雲南道御史當是時夷患方興俄人構釁於邊責言索地糾合

黨類恫喝百計朝議沸然

天子知侯習夷事迺命持節使泰西侯至則與夷酋陳利害申
信誓闢其機牙羣侮解駁而俄始弭耳受命唯謹逾年法人蠢
動蠶食我藩屬跳踉鳴張疆吏皆望風惴縮侯迺昌言夷性侮
弱憚強外誕內攜輕發端而怠持久此易與耳時發言盈廷不
能決余以侯言入告

龍岡山人文鈔

卷二

九十

天子知侯夙飭師武臣奮張撻伐勿復觀望進退於是兵氣
頓揚一戰而摧角距奪侵踞夷始知中國不可侮乃請講解如
約夫國事成敗一視乎其人戎機勝負繫乎一言折衝樽俎之
間運籌帷幄之內若斯人者豈可一日少哉今中外宴然四夷
賓服域中慶幸無事然履霜之漸未雨之綢繆主持國計者皆
不容一息怠況鱗介之族狙詐反覆嗜利若飢渴久涎中國富
饒乘我所不戒歆以利蠱以術煽以黨炫以威稍不及防墮其
機弄小則爲眉睫之憂大則貽數百年之隱患非有超識遠
慮爲彼族信憚之人莫能以折其萌而奪其氣此固朝野上下

四海九州延頸企踵屬望於侯之一人而成願其康強者艾萃
社於躬以勵相我國家永永爲社稷倚重昔汲黯在朝淮南爲
之寢謀郭子儀見虜回紇逡巡引退自古覘國視人爲重輕自
中興以來湖湘人材翩翩蔚起及大難既平老成凋謝獨居深
念常恐繼起乏才爲時隱憂今幸我侯繼文正公之緒殊績偉
伐世濟其美屹然爲國柱石夫大臣者宗社命脈所繫元氣所
鍾其懋年之修促實關國運興衰成周盛時召公最稱壽考乃
周公曰天壽平格永念則有固命蓋望其耆造德降以遐無疆
之休令

龍岡山人文鈔

九十一

天子親裁大政將猷詢茲黃髮則有我侯敦彫純嘏翼贊左右
以尊中國以撫四夷以至於億萬斯年無有紀極斯則某等禱
祀以求所爲宗祚靈長計者實在乎是不徒惟是區區鄉曲之
私已也是爲序

范月榭觀察七十壽詩序

憶咸豐戊午己未閒良品始晤月榭先生於鄂城邸舍接其言論風采雍雍穆厚君子也中更喪亂先生官揚州余來京師不相聞問者二十餘年光緒初其哲嗣子蔭昆季後先登甲科與余聚首京師迺獲訊先生起居今年七月先生七十生日都人士謂良品知先生夙祝嘏之義不可無辭余維古人贈人以言皆盡其心之所得爲毋爲苟同而已以先生聲施卓卓凡其服官之節蒞政之方與夫立身行己之本未當世必有筆而述之者奚俟余言而獨於二十年前所得私習於先生者竊有以測

龍岡山人文鈔

九十二

其微焉昔良品從父秋霞公先生執友也將適遼陽以白金私置先生所不欲語人秋霞公歿於塗先生以諭吳又桓刺史卒致其家蘄州龔秀才某甫成童號穎異先生欲礪礪之於學試日親携謁諸名士爲之廣延譽津津不去口其敦氣誼而植士類有如此先生御物篤以和所至人樂與之游余初一見傾心焉錢湘畹謂余曰范丈爲人得春氣余曰善哉子之觀人也昔漢人之於黃叔度晉人之於褚季雅宋人之於周茂叔程明道皆求之於氣象間子舉似范文近之矣乃由今思之益嘆湘畹之言尤符契之可徵也今夫人受天地之氣以生唯聖人能以

中和之德參贊乎造化下此則四時之氣得其一端而乘除衰
旺亦各以其類應是故得夏氣者其人爽以偉而表壯裏薄陽
強陰伏時則有衰退之機得秋氣者其人毅以鷙而至峭則無
物至潔則無已時則有賊伐之兆得冬氣者其人隘以固而窳
數而不容消沮而不燿時則有頽落耗悴之象而惟得天地之
春氣者其於物也含生而煦化其於人也保和而彌性其蘊於
內者有敦龐冲粹之德其爆於外者有溫仁藹霽之貌夫而後
惠氣所迪天休滋至集祐於無形亦遂有身康強子孫逢吉之
應先生其彰彰也余不敏謹述夙昔所慕尚之言以明今日致

龍岡山人文鈔

九十一

此之由且賦詩一章綴其後俾工歌之以侑觴焉辭曰

有君子兮樊山之陽蔚爲邦棟懿矣溫良厥材箭金厥德圭璋
乘時儲器貢於明堂如何蹄涔跼此龍驤天驥節步迂轡康莊
雙旌曷止淮海維揚鉛刀一割頓刃韜鍔天閱其施以篤爾蔽
道窮而泰身嗇而昌景風扇戶蘭蕙適芳良田播種其收穫穰
皇祇佑貺旌善降祥錫爾純嘏以永無疆

其水谷以其賦謝皇對時... 其人爽以偉而表壯裏薄陽
強陰伏時則有衰退之機得秋氣者其人毅以鷙而至峭則無
物至潔則無已時則有賊伐之兆得冬氣者其人隘以固而窳
數而不容消沮而不燿時則有頽落耗悴之象而惟得天地之
春氣者其於物也含生而煦化其於人也保和而彌性其蘊於
內者有敦龐冲粹之德其爆於外者有溫仁藹霽之貌夫而後
惠氣所迪天休滋至集祐於無形亦遂有身康強子孫逢吉之
應先生其彰彰也余不敏謹述夙昔所慕尚之言以明今日致

吳菊坡年丈八十壽序

嶺南之地外際大海番舶所出入自道光中葉後西夷闖我門
闢建植館舍深目賈胡鷹視而睨盱出其珠璣象犀瑋瑁織毛
與一切淫巧蕩心志之物以與我內地市易而中國逐什一業
廢著之倫亦輦華土貨產視彼乏而我贏者爲之逐時居積以
馴致饒益究其心計所籌運要不離志乎富且利爾已若語以
敦悅詩書好行其德則將謙讓而未遑此貨殖之遠乎仁義其
大較也乃以觀菊坡先生獨不然先生少獨孤苦窘乏寡生理
逮更辛丑丁巳之變中外敝平於是俯察人事託於候時轉物

龍岡山人文鈔

九十四

以自給然身雖處闖中跡賈而心儒外利而內義其與物爲
接構恆先人而後已釋結而解紛使夫憤者平蹶者起而退然
不自以爲名若功至遇人有緩急事視力所克赴者不問施報
與否必爲多方援攸務慊其衷隱然後已嘗與莫某買於閩某
資折閱病且死爲之簡料醫藥返其櫬鳩貲贍其家俾幼稚無
凍餒憂又有董氏子甫九歲爲賊掠官軍獲之乃展轉請於營
帥攜以歸撫如子長復爲之聘娶立家室里中上計車苦乏資
或贖薄不及物先生曰此非以禮士也鳩同人增益津助士以
此獲自奮禮部試多奏捷者其樂善而孜孜以利物若此今世

士大夫平居誦簡畢日研求古聖賢仁濟事一旦臨蒞大政視
閭閻疾痛疴癢若與我楚越不相屬而惟託言款夷富國藉封
殖其身家是圖公卿其身而商賈其行者比比也其亦聞先生
之風審所自處哉先生晚歲家居築小圃舍後每春秋佳日與
其夫人白髮婆娑賞花弄孫相娛樂環視子孫讀書宦達門祚
且日蒸蒸起天之篤佑善人果不差忒先生今年八十有一其
夫人今年七十有七其哲嗣星樓同年官京師將以生日爲其
父母鞠臚稱慶良品誼屬年家子不能無辭爰敬述先生行義
之大凡以爲前席者侑一觴焉是爲序

龍岡山人文鈔

九五

額爾德特氏宗室太夫人六十壽序

維光緒九年歲在癸未爲我

慈禧端佑皇太后萬壽之期我

皇上大孝尊親將合四海臣民罔有內外舞蹈稱慶而又

推恩錫類俾凡百有位各得以歲時休沐歸壽其親於是吏部

左侍郎^臣錫珍因其母

宗室太夫人六十初度爲之召婚友酌賓辱賡南山之詩祝堂

上難老甚盛舉也蓋太夫人至是凡持節三十有五年矣先是

同治十二年宗人府以太夫人節孝狀聞於朝

龍岡山人文鈔

九六

天子既予之旌嗣以侍郎賈又

錫以大國命婦之封而太夫人用益耆壽康強克迓榮寵屬在

朝籍後進咸羨曾侯壽母思有以貢其頌禱之私而良品等猥

以年家子幸得握槩隨其後迺拜手而言曰余嘗讀詩至柏舟

衛共姜之自誓讀春秋至大書紀叔姬歸于鄆竊嘆春秋二百

四十年之間婦人以節著者惟此兩人而此外概無聞焉嗚呼

何其靳也及我

朝龍興歷今亦二百餘年天下郡邑以貞節聞於有司者歲常

數百人而天潢貴戚婦女亦有苦節之貞其徽音懿行徵於八

旗通志者不可殫紀嗚呼何其盛也蓋自

龍岡山人言

列聖以來禮教修明宮闈敦化關雎麟趾之應先自貴近者始
故其時婦人女子莫不溫恭柔順自率平坤道之常卽不幸遭
逢時變亦能淑慎自持艱貞而不失其正若太夫人者非其彰
明特著者歟太夫人者前熱河都統鑑堂公之少女而勤襄公
子婦也兩家富貴榮盛門望烜赫相埒太夫人自未笄時讀書
敏悟通大義已爲父母所篤愛及嫡於光祿公也相夫有禮門
以內酒漿絲枲織屑之屬罔弗親焉事舅姑有敬堂以上飲食
起居晨昏溫清之節罔弗察焉迨夫歿稱未亡人則又惕然曰

龍岡山人文鈔

九七

余鮮娣妯而遺息癯弱門戶之託其責在予迺益茹苦食勞力
肩家政兢兢然如持重器而惟恐失墜焉夫人當困無復之有
激於一時之意氣而遺其身甘殞以殉者矣至於紛華靡麗之
場而冰蘖其心迺能從容堅忍劑豐以約隱然有保泰持盈之
慮則非有含章可貞之力不能也故其撫侍郎以成立也嘗戒
以富貴之無常

龍岡山人言

君恩之不可倖與乃祖勤襄公之恪恭慎修厥職俾無過佚前
人之休光昔敬姜訓公文伯以勞逸聖人稱之楊用修謂其
勤婦之職嚴子之教守古之訓光前之德而太夫人有焉宜乎

貞篤之行荷

天語之褒嘉克與敬美遙遙媲美也吾故詳其厲節本末以著其貞教所由而又慶其遭逢

盛典受天多祐以爲有是德宜膺是福書之爲世祿之家正位乎內者法焉

龍岡山人文鈔

九十六



內書

天語之褒嘉克與敬美遙遙媲美也吾故詳其厲節本末以著其貞教所由而又慶其遭逢

貞篤之行荷

天語之褒嘉克與敬美遙遙媲美也吾故詳其厲節本末以著其貞教所由而又慶其遭逢

貞篤之行荷

丁太夫人八十壽序

同治七年夏四月

天子策試天下貢士於保和殿良品與丁子丹垣與焉已而吏部循例注官丁子除貴州令或謂貴州苗獠雜處最難治須得良吏拊循之丁子其往或謂漢毛義捧檄喜動顏色丁子母老家窶貧貧祿以養親丁子其必往而丁子曰嘻吾可往乎哉今夫易得者官也難得者親之年也吾母年八十矣先兄卽世未克竟養貴州在六千里外邊徼煙瘴山險而溪惡烽燧時警余勤王事固所不辭其何以奉板輿之安時與居之節於是以歸龍岡山人文鈔

九十九

養請於朝洪子聞而歎曰善矣哉丁子之不以一官易其親也方今

聖天子篤奉

兩宮以孝治天下推錫類之恩丁子所請宜得當顧良品竊有感焉北山之詩曰王事靡盬憂我父母四牡之詩曰王事靡盬不遑將母古之時幅帽未廣其大夫從事雖柳往雪來不遑啟處皆不越千里而近今貴州爲古荒服蠻夷之道路阻遠山川遼闊使如北山大夫之賢勞皇華使臣之靡盬宜何如寤歎而丁子殊不病此抑何幸而生於聖明之朝乎自今以往太恭

外姑梅太孀人七十壽序

外姑梅太君余繼室王恭人之母也余自咸豐甲寅始拜太君於里第太君子婿三人遇余特異癸亥賊燬余室迺假居甥館太君以時稽其食用佐其緩急噢咻其子女寇至復隨太君轉徙東山雖患難艱阻未嘗一日離同治庚午余官京師始與太君別蓋不相見及今十二年矣去歲內子省母歲暮還京爲言太君明年七十有一康強猶昔余因謀所以壽太君者內子曰吾母夙異君以君之文耳他非所樂也余隨太君久詳太君行實無余若者猶憶余初見太君貌肅而和言論豁如伉爽有丈夫

龍岡山人文鈔

百一

夫氣嗣屢過其家庭除整靜終日無纖塵燕飲賓客酒食器盎具豐且潔蓋掃除烹飪之役太君必躬親之退而視其自食則粗糲不適口後依太君居數年見太君辨色卽興督家人婦子耕織操作不稍怠內子偶宴起卽呵斥家中自米鹽瑣屑以至一歲生息之贏縮出入之多寡往來餽遺之豐與儉罔不高下在心勾稽衡量綢繆豫計常使物力寬然而有餘故雖產不踰中人而經綸有法未嘗值一日之空乏平居服用極省膏及至喪葬婚嫁禮節之適雖勢家弗多讓焉嗟夫自余有知識所見里閭端黨間擁千金之產者相比屬不數年卽零落衰耗至不

能給生計推尋其故大率由晏起坐食惰窳不事事所致余嘗
讀曾文正公集述其先世皆鷄鳴蚤作子弟用能習勞苦因以
起家乃求之於吾鄉則惟太君之家法爲然故屢經喪亂十室
九空王氏猶能保其產貲不失温飽傳云民生在勤勤則不匱
不其然哉太君性剛明知大義王氏丁族單弱或宵小覬覦太
君出片言折其萌謀輒解嘗以宗祠未立外舅臨終隱用爲憾
咨於衆不可以問余余曰古者庶人祭於寢築特室焉可也太
君迺親扶杖營度善地鳩工庀材閱月而告成太君曰吾今有
以奉先人矣家有小圃蒔蔬果花木歲時不絕余家居時值太
君生日牡丹盛開其子光政邀余置酒花下捧觴鞠脰爲太君
壽光政殉難已十餘年內子隨余遠宦京師太君膝下寥寥
撫今感昔余有以知太君之不樂也爰因友壻南歸寄此以慰
太君用表子遠戀之私焉

記習礮

余往以事至津門見防海軍習礮礮之制范銅爲之徑五尺中空實藥可斗許藏連環子母礮大如毬機一發火星迸爆散爲百千雷霆燔高林掀巨石聲隆隆然震天地時觀者兩岸如堵牆每聲一礮衆拍手懽呼以助其勢或墮地踰時暗不鳴則爭突前拾取之可易數十百錢一或不戒礮忽裂有聲則血肉雨飛屍糜爛墮數里外雖呵禁之終不止也或曰愚哉津之人身命之不惜而利是圖余曰是可用矣使兩軍相薄時萬雷交轟得若輩千百人肉薄而前前者仆後者進敵雖猛不能當也或

龍岡山人文鈔

百三

又曰是利害之不知而子以爲可用不亦慎乎余曰敵之所以遲疑卻慮而不敢逞志於中國者以中國之大猶有蹈死不顧忌之人在也君等別生死審利害可謂智矣一旦置之疆場間一聞聲息有望風沮耳使敵得以恫疑虛喝而陰生其計者非以此也哉客不能答罷然而退

孔子曰人而無恆不可以作巫醫巫自巫醫自醫也乃以巫而醫而不醫於巫仍託於巫以醫醫問孰醫則巫也問何以醫則非巫也噫異矣方孫子之始病也病非不可醫也自以醫醫之而病乃不可醫也自平陽而至厯城行千餘里而孫子若無知也自家人婦子以至僚友內外戚若屬而孫子若無見也自飲食衣服起居坐卧語默寒煖燥濕之節人所習爲故常而孫子若適適然變也噫病矣憊可若何於是一醫進而孫子病猶是也衆醫進而孫子病亦猶是也無已姑止醫未幾而有問病來

龍岡山人文鈔

百四

者曰病亟矣盍求醫於張巫曰張巫巫耳奚能醫且巫奚狀曰老婦人也年七十有八矣居邑之鄙巫而醫者也其醫也非能以醫醫也乃以巫而聽其醫於神神曰可醫予之藥應如響曰不可醫巫迺辭於是孫子之內君夫人聞之駕車往至則巫已知之矣曰夫人來其問大夫病乎曰然大夫之始病也如此如此曰然諸醫醫之如此如此曰然巫曰病非不可醫也自以醫醫之而病乃不可醫也雖然神曰可醫請必無以醫醫之而後可乃授藥一刀匕且曰吾無所求於夫人願乞夫人一絮襦則應曰諾歸而以藥進病良已然而孫子伏枕沈沈然呼之不

應夫人大驚再駕車往至則巫迎而笑曰病愈矣夫人何勤也
曰未也述其狀曰此非病也夫人歸大夫必異於他日夫人至
家孫子則已起坐神志惺惺然謂夫人曰吾何故歸曰病耳猶
不知耶曰汝何往曰往問張巫張巫其神乎曰何謂也曰夫子
之病愈微張巫不及此乃所求唯一絮衣也吾已贈之矣越數
日遣人往至則哭聲噉噉然其子泣且懟曰昨胡爲以衣來吾
母服之端坐不語逝矣噫異矣夫張巫一巫耳孫子述其言曰
人神吾醫吾醫而生則其宜生者也非吾所能生也噫於物有
濟功而不居巫也乃能若是以爲之記

龍岡山人文鈔

百五

游五腦山記

麻城四面皆山其東南有白泉龜峯其北則天紫諸山蜿蜒蟠伏皆距縣城數十里遠或百餘里而五腦山在城西七里獨障一面最近而差小以靈異名山上常有雲氣油油仙靈往來四方男女禱祠香火輻輳不絕布施金錢以億計因之起飛樓傑閣蚴蟉玲瓏虹矯乎天半余舊聞焉未至也癸亥冬十一月至麻城往游焉平明出西郭門寒旭始升霜白在地扶杖過相公橋橋廣數十步旁有古廟半頽廢傳爲張真人飛昇處其前皆大野煙綿沙布曠邈無際左睨右愕峰巒萬狀遙望五腦山形

龍岡山人文鈔

三百六

如蓮花瓣瓣可數中峰隆隆然高羣山曲包如葉之銜萼蕊而出天清霧豁寺頂遠出如望海上蓬萊宮闕在煙霞縹緲間更西行一里至古鳳橋山形如牛穿牛脊而行坡上皆淺草一樹獨立杈桠無枝葉傳爲張真人繫馬處樹漸遠徑漸高亂石犖确峭壁矗面寺忽不見山風拉颯有聲峰轉徑通千紆百折而上仰面突見一亭翼然如鳥之翔空其先登者在雲際蠕然如蟻之游梁旣至坐靜心亭四望羣巒拱列萬象在下躡石梯數百步至一天門入佛殿丹碧輝煌金虬鐵鳳銜楹翼柱瓦以定窻爲之淨滑如珉玉刻畫五采兩旁屬以宮館皆層臺曲室深邃

遼密累日莫能到山後多奇花佳果怪石古木藥草竹箭四時
彩禽異獸之音咸接於耳坐久山僧烹茗以進告余曰是山也
張真人始至向山主乞一衣地已而解衣覆山皆滿遂棲真於
此余笑而漫應之時同游者何君某陳生昆季五人也何君曰
自此山迤而北行五六里有麻姑洞焉

龍岡山人文鈔

百七



遊麻姑洞記

由五腦山循寺而北谷漸狹纜通人山風蓬蓬然殘鐘在耳寒氣襲衣袂出谷甫一里羊腸小徑一綫蜿蜒入雲際皆蛇行僂步以眩翼趾惴惴恐墜萬仞下石壁無路捫虎跡而行稍憩坐石上回望白雲滿山谷如波濤洶湧鼓盪雲海中視縣城小如環廬舍人物微黑如蟻堆自此更西數里一峰竦立佛髻鬼面犴惡可畏怖迫視之皆石無寸土不生草木轉而南累石級數百步如鷹隼翻翻回旋而下下視則仍身在雲表四山亂石砢砢嶒峯多奇形詭狀如獻者如斧者如箕者如覆釜者如累碁

龍岡山人文鈔

百八

者豹蹲者獅伏者鳥喙者虬卧者攫援者人立者竹木杈枒者左列右拱目不暇給稍西一峰尤峭絕其上壁起爲玲瓏樓閣形石巉削如鐵滑不受足其下石齒鈎出四五丈爲古洞中空而外澗石無竇清泉自滴注於深池池有丹色小魚以時出遊頭頭可數洞鑿石爲龕坐麻姑像左傍列碑碑字半土蝕不可讀洞外多躑躅花春時盛開落英著草上望之如刺文錦旁有石亭累石爲几案可坐八九人遊人於此攜榼賞花以相笑樂時巖冬山花不開寂慙無人惟荒榛殘雪落葉掩徑而已下山憩靜月寺卻望洞口重巒雙峰縹緲在天際出寺東行十餘里

夕陽已沈暮色迷離歸樵滿路聞河水流濺濺與城上角聲相
應回憶所歷恍然如夢渾疑此身適間自雲霄中來也

龍岡山人文鈔

百九



之鐘韻熱齋韻閣下

出宣武門而西連衢沓合中有精廬丹拱翼然臨於橋上曰松筠菴明楊忠愍公故宅也其旁疊石爲山洞綠樹下覆有軒窈然以幽望西山如龍滅沒煙霧閒恍惚不可辨循壁閒有石刻忠愍劾嚴嵩十大罪疏字字如嚴霜勁鐵讀之悚息都人士習靜寂者遇此恆流連不忍去而吾友鄧君獻之始來京師亦以九日集朋儕會飲於此鄧君故山西令也邑令官雖小一縣賦稅所入足以贍身家而飽妻子饜嗜欲以順心志是故近今官郎曹者鮮不營尺一符改就卑品以博一切利祿自奉至則刀龍岡山人文鈔

筆筐篋場小民脂膏不數年報最京師則多持金錢賂遺諸貴人挾一二少年高車軒蓋走狹邪與優童倡女日夜縱酒相娛樂而鄧君官山西二十年囊不名一錢乃獨慕夫閒曹冷職文人墨客賦詩飲酒蕭然塵壒而無一毫得失之牽累其心此何爲者也夫見道者中常至足無所慕於外故萬物爲輕至於境窮勢變有一生死而不暇顧藉者矣而况於人世之榮枯得喪乎方巖崑柄赫時附其餘熱立致要顯忠愍迺獨褫其姦惡批觸逆鱗至於捐頸斷脰甘死如飴而不悔此其中必有自信於已而不爲物屈挫者鄧君視之千載而下孰得孰失孰榮孰辱

耶嗚呼能知此者有幾人哉時會飲者七人圖之者何鐵生太
守詩之者敖金甫郎中范鶴生觀察陳雲舫員外而記之者洪
良品也

龍岡山人文鈔

頁



龍岡山人

平浦之春及金甫郎中詩餘中隱齋詩集卷之四而明之者
上

麻姑樓記

世傳麻姑後趙時人父秋爲石勒將築城督役嚴雞鳴始休息姑憫之作雞鳴爲父所覺姑懼逃入西山洞中後仙去世嘗疑夫神仙之有無久矣方劉石之亂中原鼎沸百姓肝腦塗地莫保性命而楚僻處南服屢罹兵革生人蓋僅有存者一時武帥豪吏虐其民用之草芥不啻姑以一女子抱區區慈祥惻怛之心目擊夫顛連之狀疾首痛心憤不欲生遁而之無何有之鄉託之於神仙化去麻城之民感姑之德世世尸祝之不忘宜矣姑之仁惠自有可以不死者不必以神仙也然而所謂神仙乃

龍岡山人文鈔

百三

必以姑之仁且惠者當之則吾有感焉昔秦始皇作阿房宮穿驪山爲石槨口役數十萬人發機閉石工皆死而令盧生求真人奇藥漢武帝發巴蜀之民鑿山通道以開路西南夷又渡河築合居出軍擊右賢王土馬死者十餘萬而遣方士入海求蓬萊安期之屬以彼其殘忍悍鷙之性所斷害於生人爲不少矣而顧曰孜孜於仙人不死之藥宜爲方士誑惑使當時有告以所謂神仙者必慈悲而善良則是仁惠卽不死之奇藥彼旣癡心響慕未必不有以啟其惑而馴其暴嗟夫神仙之說雖若怪誕不足信然以女子一念之仁遂至今若有馨香神明之胎壘

彼虐用其民者 何如哉後之泄是邦者有牧民之責覽麻姑
之事徘徊樓下其亦觸類警心而不敢虐用其民也歟

龍岡山人文鈔

百三



之筆將歸於下其亦觸類警心而不敢虐用其民也歟

不

書之爲藝雖若小道然非銳精邁力屏一切耳目之好以規而削之則不能工且善且卽屏一切耳目之好以規而非有夙識敏解天授神悟終不能會通變化窮神洞微超出於古人塗徑之外而獨詣乎其極余少執筆學書性騫鈍不耐咀趣味書不數十行輒罷閒塞師友誚讓取古人名蹟相倣倣終覺鉅鉅背戾如秦武王之舉九鼎手戰氣喘汗涔涔下至於折脅絕筋而後已雖人力之不至亦稟限之然者余嘗惡焉晚乃見吾友盧子韻珊之書其於書也始疑慮以騫如紀昌之學

龍岡山人文鈔

百四

射卧牽梃三年不瞬視蠶若車輪彎燕角之觚貫乎其心而懸不絕也繼冒險以健如呂梁丈夫流沫三十仞碎旬涸泚濟入汨出履懸流如平地也及其規圓矩熟信手揮灑又若公輸子削木爲禽翠冠錦翮霞散焱發翩然一翥而翱翔於綺寮雲棟之間也其工且善而獨詣乎其極也若是余心好之每從乞筆法而盧子曰嘻是曷可單辭盡也不見夫甘酒者乎朝而餽其糟焉操卮承觚拍浮而忘倦夕而飲其醕焉挈榼提壺沈湎枕藉而不知其餘吾之於書亦然雖所得皆古人之糟粕乎然而心醉乎其中亦有年矣余聞言悅焉若失行焉若遺忸怩而不

竹軒記

壬戌冬十一月余赴喻子伯筠飲行野田亂澗間遙望葱蘢蒼煙色迷離不辨村舍已而犬吠於籬喬木參天短垣而竹扉叩之門啟焉突見一小山山上修竹萬竿參差玉立零籜在地主人導余循曲徑而入有屋二間東西嚮窈然而幽軒然以朗時日光射窗櫺紙上掩映刻畫如古篆籀科斗文字蓋竹影也坐定山風颯然拂牆角有聲如帚如絃如戛珮如擊筑如鐵馬錚錚石泉淙淙蓋竹聲也余笑謂主人曰子之種斯竹也幾何年矣今夫竹礪礪多節挺竦以直有君子剛健之德質粉柔賦

龍岡山人文鈔

百六

中虛而外圓有學人沖虛之性青翠森肅四時蒨茂不改其節有志士仁人貞固之體枝葉疎爽亭亭嫋嫋倏然曩秀獨出者有高人逸士瀟灑自得之致繼自今吾願子日而滋之月而培之寤寐而嘯歌以無忘斯竹主人曰然吾愛吾竹吾以名吾軒余退而爲之記

二桂軒記

黃岡伍重里之南有孔子河相傳爲孔子使子路問津處由孔子河而上十里許有回車埠土人遂謂孔子問津不得回車於此孔子實未嘗至此而沙河又有回車書院皆附會孔子得名始議建之者則陶國幹觀察也觀察罷官歸愛其地勢坦夷築第去書院數武旁構曲軒三閒觀察歿其子孫不能有而此軒轉鬻於王氏王氏余外舅家也其子光政從余游旣得是軒糞除而丹堊之門外有桂樹二參差離立柯葉蔭數畝觀察手植也嗟呼樹則猶是也而軒忽易主矣或曰觀察守某州時其俗

龍岡山人文鈔

百七

生子必輸官錢民貧至有不能舉其子者觀察憫之捐俸代其稅後讞獄誤殺一僧方坐堂皇忽見僧來大驚已而後堂報夫人生子觀察默然不樂比長游蕩無節一罄所有不獨此軒不能有也而余以爲輪回果報之說皆浮屠家言葉孔子者所不道也夫子之道忠恕而已矣忠以行己而恕以及物死生禍福榮辱得喪與一切利害之說所不較也其時及門若仲子路宰蒲宓子賤宰單父子游之宰武城皆政績卓卓彰著然未嘗如後世自大其門閭以容車馬植樹於庭以邀福報於子孫者乃其終身困窮伏處而不出如顏淵原憲諸賢嘗儵然自得若有

餘於富貴貧賤之外者則又何也噫是豈一時一事之興廢所能增損其生平耶若沾沾於一時一事而已也微特赫奕如觀察之家不能常恃卽是軒烏知其不瓦礫是樹烏知其不斧斤耶人固有自立於不朽者而區區一軒之沿革一樹之榮枯又何足道哉不然孔子往矣至今窮鄉下邑庸夫販豎猶樂道其行蹟附會其游歷以爲光寵而誦其書習其教者又當何如也孔子云君子疾沒世而民不稱焉王生其圖之

菊英齋記

龍岡之山蜿蜒東折而西若卧馬以首踣地然而一室巋然適跨其脊蔭茂林俯曠野其下墮岸千尺一徑蛇蟠累級始得上背景面旭室縱橫不半畝巨啟扉大崎小崎諸峰相揖而入夜則泉石淙淙聲松篁謾謾聲並鼓盪不絕去居宅僅數十武若煙火人聲不相接者憶道光戊戌己亥間從祖恩渥公卜築甫成余時總角就傅課讀於此迄今公歿又十餘矣歲久風雨剝落闐其無人烏鼠宅之門外蓬蒿森然如立人余始入藁除之時西風送秋霜蘂欲花及門請所以名是齋者於是東筆作壁龍岡山人文鈔

三百九

窠勢榜之曰菊英或曰陶淵明愛菊子詩學陶與淵明有同嗜者或曰屈子云餐秋菊之落英子好騷因擬其遺甚而託之以寄興乎余漫應之曰諾

游極樂寺讀碑記

明大學士李西涯先生墓在京師城西畏吾村那八十歲時持
瓢杓醉其下去墓里許有極樂寺焉歸而憇於此甫及門天微
雨泥蘚不可足一溪涵瀆而渟泓魚數頭游泳唼空駭人影躍
而逝也有穹龜負石出於楣高與佛齊誦其辭則御馬太監張
暹所布施而大學士嚴嵩爲之記者也碑中歷頌其官爵之崇
隆金錢錫賚之寵渥土木之功之豐且侈用祝釐而以彰君之
賜余顧而駭曰張暹一閹小豎耳而財力所被如此王振劉瑾
魏忠賢何如哉國安得而不匱宰相至不名而呼之爲公名器
龍岡山人文鈔

百千

安得而不濫嗟乎明政之不綱嚴嵩之齷齪無恥是碑也滋彰

其敝耳讀竟相與列俎大嚼盡醉而後散

榮昌旌表款貞烈女綽楔記

古旌孝子旌節婦而旌貞女則自有明孟女柏樓始若以貞女而殉死至本

朝始有之前此猶未旌也近則拓例以旌之矣或以歸有光毛奇齡室女守志非禮殉死尤非禮不惟不旌之且欲禁之而不知貞女之殉死非殉禮也殉志也志從一而終懼其志有不諒而殉之也朝廷之旌之也旌其殉死之心也其死可憫而其志則可尚也且朝廷旣旌之矣古無此禮而今有此例室女之死雖過乎古之禮猶當乎今之例也夫今之朝聘喪祭循乎俗以

龍岡山人文鈔

百五

爲禮者多矣而獨於男女死生大節經生家必斷斷執古禮以繩之不亦過乎余嘗以歸毛二家之言爲不然而今適有感於榮昌款貞烈女事貞烈女者榮昌款君式牲長女爲隆昌郭祖械聘妻光緒五年四月朔日祖械以病死時女年十有六矣其會王父知女性烈戒勿洩無何女自篋中探得訃大驚勸扃戶卧不起亦不食家人再三譬曉亦不言三日後仰藥死距祖械死纔二十八日耳邦人士聞之作歌詠其事大吏聞之請於

朝奉

詔旌如例嗟乎貞淫之故風教所維繫君子於此規世變焉與

匪之亂婦女遭寇暴不辱於賊而慷慨蹈白刃者趾相屬也以
彼平時守從一之義不肯稍渝易尚不惜棄親屬捐軀命以赴
之而顧肯倉猝緩須與死以甘賊污乎然則
朝廷旌表貞烈之微意蓋可思矣書曰表厥宅里樹之風聲彼
經生家烏足知之故余夙與其從祖金甫游讀先生所爲貞烈
女墓志獲審其由茲樹綽楔於門其從兄觀樓孝廉以爲言於
是乎復爲申論之焉

龍岡山人文鈔

百五

五臺徐氏修墓碑記

山右徐生耘田抱其先世墓圖謁予於京師再拜而請曰耘田先世山西馬邑人也始祖才甫公遷五臺縣之建安村二世祖諱文亮三世祖諱義義祖生子三曰文厚曰文達曰文源文源公幼失怙恃依兩兄兩兄絕愛憐之恐嫂氏鞠養不謹相與抱持至田間一人負耒耜牽牛耕一人留與護視更代以爲常以飲以食以至於成立故文源公臨終囑子孫世世以無忘兩祖德迄今兩祖後裔有急難族中人奔走惟恐後蓋服念文源公遺言五百年未之敢忘也文源公生子九人後益蕃衍昌熾科

龍岡山人文鈔

百三

第仕宦簪纓不絕其枝分而散處者曰東冶鎮曰甲子灣曰永安村曰甄家莊曰東岡村曰毛家村曰西建安而皆以建安村爲星宿海五世以前皆葬於建安村之原行營高敞地表廣數十畝塹而藩之樵采不侵年代遼遠風雨漂蕩狐狸拱穴後嗣子孫盡焉心傷不呼而集不鼓而作築之登登封之若斧環之若圃翼之若廡塗之若戶旬而畢功而後可以妥吾祖先生爲我記之余歎曰修墓非古也然而聖人所不廢也昔者防墓崩夫子隱痛之矣而曰古不修墓夫亦以謀之欲其豫築之欲其固以勿之有毀焉爾非謂任其頽且廢而弗爲之所也余惟周

禮家人墓大夫之職辨其兆域掌其禁令正其度數使之昭穆有序尊卑有等親疏如戚稽遠如近以油然生其仁孝之心而凜然識夫敬宗尊祖之分若徐氏者其亦亡於禮之禮也已雖然晉王覽祇事其兄卒有後於晉故過江王氏皆覽後今徐之先人垂友恭之訓而其子孫世世守之以睦宗收族事亡追遠不敢有怠忘其蕃衍昌熾科第仕宦簪纓不絕有以哉或曰五臺之峰演迤騰伏靈孕秀蘊而萃於徐氏之墓余曰在德不在地生歸其以余言揭諸墓俾後之人遵而守之勿替焉

龍岡山人文鈔

百五

釣魚臺重建三聖祠及張公祠碑記

邑西鄉有張公釣魚臺焉磯上足拇跡猶存嘗欲往觀之未能也問張公何僉曰張太公張太公不知張太公爲何如人也嗣誦蘇東坡詩乃知張愍子者默有道行嘗居於此意者卽其人歟地臨大江清流如鏡旁有小卍隆然高負岸立竹樹蔽映祠堂踞其上則前朝以祀張公而並及孔子關公與文昌神者也夫孔子以道德關公以忠義而文昌以神祀之固宜張公胡爲者豈非以其不欣戚於榮利足以砥世礪俗其高風亮節使百世之下聞風而景慕之歟當有宋神宗時新法始創邪佞蠱興

龍岡山人文鈔

百五

靖康之禍胚胎張公知時不可爲甘隱於釣乃東坡不悟幾以言語文字蹈禍不測故登堂默示以意而去此晨門荷蕢所爲用心可不謂賢歟祠舊燬獲碑於土循而完之堂舍有增萃里中諸生講學於此余聞之而喜其有成也粵逆之變唯李集區首唱大義召合徒旅抗其兇鋒茲喪亂旣平又將舍干戈而修俎豆敦教化而厲詩書蓋文以縉事物武以戡暴亂氣節以廉立頑懦三者不可廢斯祠也皆於是乎在故不辭而樂爲之書

明訓導但先生傳

訓導之職以明經出秉教鐸每朔望肅衣冠率三舍弟子員謁先聖先師畢坐明倫堂講示忠孝大義平居則砥廉隅礪志節爲鄉里標幟粹然臨難卓卓有以自立不汨其守以辱乃身而已吾邑前明有但先生銑者以歲貢生循例爲訓導官選授某邑學值賊亂任未赴當是時張獻忠破武昌楚藩遇害殺官紳士民以萬數沈其屍於江在籍大學士江夏賀逢聖死之已而具舟楫南下沿江守戍望風瓦解賊乘勝攻陷黃州副使樊公維城又死之賊鋒銳甚游騎所至民間騷然公憤切無如何踰龍岡山人文鈔

百六

年竊聞都城失守思陵殉社稷奮然曰銑校官也所以訓導諸生何事豈以未食其祿而不同其難耶遂絕吭而死

洪子曰余考邑乘載雅淡洲明季殉難者二十八人而但君不與知舊志頗有脫漏嘗往來辛溪間從張孝坊過臨湖寺土人猶爲余指言史子見先生鎖骨處迄今廟貌巍然至但訓導授命事無有能道其詳者今其後嗣乃以狀來爰爲立傳載其家乘中以俟修史者甄錄焉高風峻節歷二百餘年而依稀髣髴僅存於其子孫之口其他湮沒而不彰者又何可勝道歟

宋亮臣傳

君諱昉字亮臣邑諸生其會大父大父皆以名進士起家爲縣令廉而貧罷歸爲教授自給君二兄皆列庠序伯兄廷輝有至行館去家數里生徒供肉脯不食必持歸奉母歲以爲常君其季也行敦謹如其兄而性尤通敏驅記航學不弛怠自十三經廿四史天文地志九流百家之言靡不窮鑽與搜單文織義背誦如瓶翻水或怪之指架上康熙字典李時珍本草綱目凡數十百卷曰君亦習而誦之耶曰然試舉數十則叩之隨問隨疏答音義不遺一字皆大驚余嘗問曰君疆記有道乎曰有余自

龍岡山人文鈔

頁七

幼所讀書每五鼓天未明枕上嘗默誦一周有誤立起溫習之是以歷終身不忘嘗飲余所余留與談日過午出門則喟然而歎余怪問焉君曰此日足可惜乃以清談曠吾業余聞默然愧猛然自省我輩窳惰玩愒棄良時多矣安得如君之愛惜景光而飶古饜聞常汲汲如此也君嘗爲賊得拘一室室故巨家多古今圖籍君且鈔且誦讀忘其在桎梏中賊與之語輒不應賊酋顧而喑曰咄書癡耳留何用遂縱之出同治四年賊大至復爲賊所得行至瓜颺湖投水死

洪良品曰君陷賊時余避難羅湖洲聞耗有嚴曉坪先生者君

姻也告余曰亮臣前避賊予家余子其壻命殺一雞供饌亮臣
踟躕不自安質明不辭去遂邂逅遇賊亮臣平生不輕過人飲
食余知之而猶客之亮臣之死余死之也余曰亮臣之能處死
固然而其介不苟非一日也余從父家有質庫與亮臣鄰始
亂時鄉匪劫質庫憫君貧私以庫中物擲君家君掀而出諸牆
外如是者三曰勿污我噫豈辱於賊哉亮臣之博學飭廉隅而
不遇而無子而不幸陷於賊以死恐世湮遠無有悉其人者而
於是爲之傳

龍岡山人文鈔

三百天



不遇而無子而不幸陷於賊以死恐世湮遠無有悉其人者而
於是爲之傳
龍岡山人文鈔
三百天
不遇而無子而不幸陷於賊以死恐世湮遠無有悉其人者而
於是爲之傳
龍岡山人文鈔
三百天
不遇而無子而不幸陷於賊以死恐世湮遠無有悉其人者而
於是爲之傳
龍岡山人文鈔
三百天

劉欣園先生家傳

先生姓劉氏諱熊與號欣園邑之東弦鄉人今記名提督固勇
巴圖魯劉君幹臣之父也少淬礪於文古樸自喜而尤工爲詩
督學使者歲校士郡邑制藝外兼用唐人詩賦先生每試輒屈
其曹而卒不得一青其矜以終然遇益困詩名益著從游者日
益衆先生寒講暑授肫肫誘迪無倦容凡所陶冶悉成就有軌
範提督少時敏警露頭角先生嚴督以學不稍懈及遭難先生
密諭以委身大義努力赴王事勿稍後故提督飭我戎行下名
城殄逋寇坐鎮江漢桴鼓不鳴四境以無事者十餘年會邊事

龍岡山人文鈔

頁五

急

天子命提督移守山海關提督鮮兄弟以親老憂先生曰行耳
國事方殷何以家爲及事解提督告歸覲省行未至家而先生
已瞑目逝矣先生少食貧慷慨喜佐人急及提督貴歲入廩稍
溢厚先生命標挈而散贍之既仿范文正義莊法澤其宗人推
而至於賙貧振孤餽士賓賢修祀興學以及津梁水利諸善政
罔不傾貲赴功一襄舉於有司晉大饑飲千金爲荒賑助

天子嘉之旌其閭於是先生之義聲益彰徹鄉里矣先生性夷
而和遇人無城府樂山水游眺興之所至一寓於詩憶同治己

已余假歸從先生游洪山長春正覺諸寺返登黃鵠磯望大江
風浪掀天漁舟一葉上下若鳧鷖出没波心中時日暮酒酣先
生撫髯振襟岸然嘯詠蕭然於物外若不復知有塵世擾攘事
先生以詩學世其家平居有所作輒命提督賡和以進相與討
論其源流得失娓娓不少休故提督雖倥偬軍旅而雅歌投壺
文采彬蔚與武功相輝映者先生教也先生以提督貴封振威
將軍有碧雲山房詩若干卷行於世

論曰楚地山川清遠類多騷人墨客而以武烈顯者前未聞焉
逮粵寇之亂唯湖湘篤生虎臣爲國戡暴偉望震一時求之吾
龍岡山人文鈔

黃則有幹臣提督世本儒術而以材勇起家爲
天子守巖疆隱然寄干城之重雖曰運會適然嗚呼非先生隱
德之盛烏能鍾慶於一人而成就之赫赫有若是者乎

謝穉真府君家傳

余少受業謝惕夫先生之門與先生冢嗣穉真府君時相見也後十年府君沒先生哭之慟爲詩示余至悲惋不可讀先生曰傷哉吾失一孝子嗟乎爲人父母莫不冀子之孝而有所不敢必故孝之名雖癡瘖者莫相假借非身實受之而不能太息親切乎其言之也蓋先生元配劉宜人性孤厲與先生時齟齬先生以兼祧伯父續娶楊宜人隨宦皖城而府君往來省定承事二母之間曲意異志色怡然以和言訥然以順俾長幼內外咸相與薰焉以篤漸焉以浹蓋委婉調護之心下有以喻夫室

龍岡山人文鈔

百三

冢而上以曲體夫父志故沒而先生嘆其孝也如是府君幼工詩經先生指授多警句可誦余少曾見之復治說文工草隸先生嘗與論書法源流余猶見其手錄詩冊甚俊整今則散亡久矣府君諱清臣字穉真先生名二子說以顏魯公名真卿字清臣謂吾兒仕清朝宜勵清節故以魯公之字名之而以名字之也府君官至安徽候補府經歷卒卒後五年而安徽省城破府君已不及見矣配陶孺人事先生與劉宜人一如府君之所以孝二親者先生病孺人割股肉進食之愈咸豐庚申賊突入室竊先生孺人與子懋禧護救罵賊賊刃之傷幾斃嗟乎府君沒

其清節不著於時猶能貽於後俾妻若子咸秉大義不屈志於
賊甚卓偉也吾爲府君傳類記之以著府君型于之效而亦徵
吾師命名之非偶然云

龍岡山人文鈔

頁五



龍岡山人文鈔

龍岡山人文鈔

龍岡山人文鈔

洪氏節孝合傳

洪氏節孝之盛也首推梅太君初太君之姑曰胡孺人治家嚴課諸婦績有弗勤則扶之太君夙夜修職能得其歡心教子讀書訓之曰士貴立志壽八十餘歲以子恩盜貴封太宜人而李孺人者梅太君之從姪婦也夫病瘵矢以身殉姑慰之曰爾有子弱是夫之允也乃收涕護視維謹子銑國學生其小姑適會氏者亦以節聞夫亡無所歸侍母守志李孺人遇之厚兩孀每相視而泣益相憐也同時又有啟裔之妻會氏性柔婉本蜀人啟裔買於蜀娶以歸其姑亦蜀人眇一目躁暴善詈會氏怡聲

龍岡山人文鈔

頁五

柔色承之怒頓解家貧鬻繡供姑餐貌姝麗而心凜凜如冰雪上下皆敬禮之梅太君尤愛憐焉梅太君之從姪婦又有徐孺人性剛烈夫卒或見其哭過哀慰藉之則大怒自剪其髮罵且厲曰夫死不哭意將何爲無子嗣子賢榜早卒婦襲氏時年十七性幽靜讀書知大義其父炳邑明經也官公安教諭欲攜之行不往憫其少且寡曰兒命也夫誰對亦無子嗣子良綬良綬之母曰朱氏後梅太君十餘年亦以節聞李孺人徐孺人產業皆豐唯曾及朱氏獨貧朱薄田數畝餽粥僅給生一女節衣啻食以養以嫁積金錢營夫葬畢曰未亡人可以死矣皆待旌

自梅太君以下學使旌其間者三唯會洪氏受旌於

朝建綽襖龍岡山之北焉

後龔氏朱氏經王芳伯毓藻在禮部郎中任時請旌於

朝會氏亦附旌焉

自記

龍岡山人文鈔

百壽



自洪太君以下學使旌其間者三唯會洪氏受旌於
朝建綽襖龍岡山之北焉
後龔氏朱氏經王芳伯毓藻在禮部郎中任時請旌於
朝會氏亦附旌焉

謝先生事狀

先生姓謝氏諱葵字惕夫黃岡人幼負異稟跣弛異常兒父志
烜明經閉之空室中讀書目數行下比長博通羣籍下筆數千
言如宿就嘉慶癸酉鮑桂星學使試士黃州命擬鮑明遠舞鶴
賦日未午先生卽納卷古豔斑駁讀之棘吻學使驚其才舉拔
萃科第一比見謂之曰文章小謝又清發今在子矣因呼爲小
謝由是小謝之名滿天下一時督撫大吏爭幣聘倒屣延爲上
賓碑版書牘悉假其手道光乙酉舉鄉試第二經藝出世誦習
之先生尤工詩長於和韻酒闌飛奇鬪捷他人一章未就而先

龍岡山人文鈔

百三

生已疊至數十首新思古藻層出纍纍不窮與人書未嘗起草
索紙一揮無不妍妙所作駢散雜文數十卷寇亂燬於火惟詩
四十二卷刊行先生性通敏洞曉政事利弊得失歷宰霍山蔡
源涇縣皆有能稱嘗曰誦詩不達孔子譏之吾不能爲俗吏之
所爲也

良品

嘗從容叩先生所設施先生曰某生平差自信者

有三曰折獄曰賑荒曰修志其折獄也用漢儒援經斷疑例而
一以情理爲衡有張泌者其父會官德安知府爲姦人所誘汚
盜逮訊先生諭以門戶張涕泣悔先生立脫其械縱之有釋張
泌詩其賑荒也用阮太傅元浙江拯災法榜戶口於通衢計口

授粟檢冊稽核胥吏不能爲奸城中設粥廠四鳴礮爲號以木
柵間之男女魚貫而入無塞擁脫漏之患民忘其災作銅陵勘
災詩其修志也辨體要討遺佚紀事必信而可徵者嘗覽黃岡
縣志歎曰藝文不載書目非法也舊志詳前賢著述乾隆間削
去最寡識乃重加蒐補得書四百餘種作輯鄉先輩及時賢撰
著詩先生少時以詩名海內服官後又以吏才顯王侍郎植奉
命訊江西獄奏請先生偕往唐方伯樹義謂先生曰子封圻才
也而辱於令今老矣爲歎息者久之先生書學李北海以縑素
乞者全集先生揮毫無倦容或卽書所作詩應之人以得之易
龍岡山人文鈔

頁六

或不甚惜先生曰善藏之百年後當知我晚習禪誦作詩近佛
偈語若有頓悟者自卜地於雉皋爲生壙以詩紀之同治元年
正月卒葬焉年七十有五子清臣安徽徽州府經歷雁臣安徽
試用從九品

陳總兵事略

陳國瑞字慶雲湖北德安府應城縣人明少保金後裔八歲喪父而孤年十一游河南固始投提督黃開榜麾下黃奇之誓爲國父子貧以兵擊賊克復正陽關及懷遠縣城奮勇首登此爲國瑞立功之始咸豐九年十二月賊踞鳳陽府城城甚堅國瑞謂非出奇計不可下會大風率壯士七人懷火毬攀堞上火起奮殺官軍乘之賊衆驚潰相踐踏死者無算遂復府縣二城生擒捻酋張元龍等前官保勝保上其功擢守備加都司銜賜技勇巴圖魯名號十年正月 欽差大臣袁甲三奉

龍岡山人文鈔

頁七

命討河北賊調國瑞隸其軍時壽州危急命率兵往勦中途聞賊犯壽陽乃黑夜返旗往援連破賊壘立解鳳陽城危以功陞陞游擊同治元年賊擾天長六合等處國瑞移軍駐高郵寶應天長界之下五鎮屢戰未克偵知賊有小將陳振邦者多謀勇設計取之遂克其城畜振邦爲義子後亦以戰功著云天長旣復而清淮髮捻猶猖獗漕運總督吳棠 奏調國瑞往勦僅率

壯勇五百人赴敵而賊衆十萬業將淮關稅銀數十萬兩劫去國瑞亟揮軍追擊賊敗奔奪回所掠金時捻酋張樂行圍清和賊數十萬國瑞率精銳五百人往援深入賊陣賊易其小圍之

國瑞奮力衝擊賊披靡自辰至酉斬敵無數賊大敗走自此賊中稱紅孩兒軍聞名膽寒矣事聞

諭旨褒獎陞授副將加總兵銜國瑞益勵奮進勦秦興宿遷等處殺賊萬餘級生擒老賊數百殲之技出難民八千人移軍進駐邳州累戰皆捷擒酋高圭詣軍門降江北悉平奉

旨以總兵儘先題奏旋以揚州裏下河危急移勦高郵寶應召伯埭各湖面殲賊數萬人二年六月奉

命勦山東賊率所部二千人進軍沂州破援賊李成十餘萬衆賊畏避不敢出踞蘭山縣境內築城後濠自衛國瑞身先士卒

龍岡山人文鈔

三三

越濠架梯登城斬其軍師孫化祥降仲村賊酋宋三綱等餘賊望風乞降乘勝進攻宗城克之賊若悉平散遣脅從萬餘人乃進兵攻兗州之白蓮池白蓮池者教匪宋維明等所踞巢穴中環九大山山峻路險賊若其上出劫入保爲民患歷有年所國瑞兵至逆酋劉雙印率黨迎戰國瑞命部將郭寶昌從小路領兵出賊後遏其歸路命康錦文潛師伏山徑中俟賊過半橫出擊之國瑞自將一軍衝其中堅三路夾攻陣斬悍賊萬餘生擒逆酋劉雙印等二千餘人餘賊負隅死守不敢出國瑞親冒矢石朝夕仰攻一月有餘賊設備嚴攻之不下會夜大雨國瑞料

賊防弛乃冒雨緣崖先登將士繼進破之殲賊萬餘戮逆渠宋維明劉錦春科爾沁僧親王駐軍淄川聞捷以功入 奏奉旨賞穿黃馬褂嗣流賊竄曲阜

聖陵震驚國瑞連夜馳護奮勇力戰復將兗曹沂三府積賊掃平之奉

旨賞給頭品頂戴無何苗沛霖復叛江北震動

上命國瑞幫辦江北軍務八月國瑞率三千人進援蒙城初苗沛霖之圍蒙城也城中兵少食盡賊數萬蟻附環城築壘城外百里皆附苗民圩與相犄角他軍援蒙者壁數十里外國瑞至龍岡山人文鈞

百九

攻紅里圩王家壑等處破之連毀附圩賊營數十轉戰而前直搗其巢壘苗逆率死黨迎敵國瑞驅軍奮擊賊敗崩潰整軍再戰又大敗之賊乃拒河固守不出日用大礮向官軍營中轟擊子落如雨國瑞方閱文書甫離席礮子擊其坐具糜碎國瑞大怒命左右置交椅營門外端坐大呼曰我陳國瑞也任爾施礮無我則有爾有我則無爾矣賊聞言放數十礮不中乃相顧大駭遂止不轟擊日以長河高壘自固國瑞一日乘黑夜大雨令將士涉河潛入賊船斬守船賊數人奪其船爲浮橋進逼賊砦立營五大座背水爲陣奮呼搏戰連破賊老巢生擒苗天慶等

斃苗冲霖長壕中斬賊衆萬餘級各脅從散遣歸農旋僧忠親
王大軍至以國瑞破賊功 奏請以提督 記名簡放
特賞三代一品封典

賜福字班指荷包人參各珍物同治二年四月授浙江處州鎮
總兵時官軍圍金陵急賊糾合陝西皖豫各省髮捻數十萬赴
援髮酉陳德才屯踞麻城縣之白果鎮五月國瑞奉

命由皖豫入楚勦賊聞官軍至先於麻城縣西築壘數十座
樹木柵綿亘四十里與皖楚各官軍相持月餘不下國瑞始至
兵纔八百人不俟大軍齊集卽於是日三更分五路進兵拔其

龍岡山人文鈔

百四

木柵土壘擒斬大小頭目百餘人餘賊驚潰下竄先是逆酋陳
德才聞國瑞將至泣語其黨曰紅孩兒至吾不得生矣至是果
敗國瑞未抵麻城時有與國瑞不協者誣國瑞逗留有異志及
國瑞至一戰破賊湖廣總督官文聞捷大喜飛報僧忠親王王
至國瑞單騎往見言狀王聞於

朝仍命國瑞回營督兵追賊於蘄水蘄州羅田廣濟等處至冷
溪河與賊大戰殺賊數千人賊敗奔潰竄至英山霍山之界衆
尙數十萬國瑞與楚皖官兵合勢勦殺賊亦糾各黨分隊迎敵
正酣鬪聞賊目忽見國瑞旗幟驚曰此紅孩兒軍也所至衝殺

勢如山倒賊大敗不支擒僞端王藍成春於陣僞將馬融和等
乞降陳得才服毒死遣散脅從難民數十萬人江北大定十一
月河南巡撫張之萬奏調國瑞駐光州堵禦捻匪擒酋張總
愚犯鄧州僧忠親王戰不利國瑞督兵赴援四年三月追賊至
確山斬馘萬人脅從步賊乘勢逃散殆盡賊僅存馬隊由確山
竄汝甯汴梁歸德府至山東濟甯州沂州府又繞道由清江竄
抵曹州府飄忽千里爲僧忠親王馬軍追及賊回顧國瑞步軍
未到率其精銳併力迎戰忠親王墜馬遇害迨國瑞步兵追至
則官軍已潰勢不可支次日國瑞收集敗軍泣諭將士曰我軍
數年以來戰無不勝今賊如此詭譎喪我親王誓與決一死戰
諸軍願從者隨不願者聽言畢策馬前進從者僅數百人大呼
搏戰我軍奮勇爭先無不以一當百賊卽敗遁尋獲僧忠親王
遺骸負入曹州府城自去頂翎素服治喪嗣以軍敗各督撫及
統兵各帥俱獲嚴譴惟國瑞以力戰貸而言者不已奉

旨免幫辦褫黃馬褂國瑞以傷病乞歸就醫固請始允旋因事
革職同治六年十月以國瑞病痊

特召入都賞御前正黃旗頭等侍衛統神機營軍七年正月擒
逆張總愚北犯保定擾及安肅京畿大震

上命大學士李鴻章移師赴勦以國瑞隸其軍賊竄正定東南國瑞循滹沱河進戰殺賊無數河水爲赤餘賊尙踞對岸國瑞渡河大破之

朝廷慮西回東犯與張逆合

命國瑞駐軍太行山之青化鎮以扼東西要隘堵守月餘四月間張逆勢熾郭寶昌身受重傷陳振邦戰沒唐縣賊將北犯國瑞星夜馳回直省繞出賊前賊復南竄至平原在平博平等處國瑞追及敗之賊嗣由武定竄海豐國瑞與郭松林夾擊復大破之賊目邱良才等皆降餘賊竄至徒駭河國瑞與劉松山劉

龍岡山人文鈔

百四

銘傳郭松林諸軍合勢蹙賊殲之張總愚投水死西捻平論功復提督

賞雲騎尉世職請假南歸寓居揚州數年與李世忠構釁經大學士曾國藩奏革世忠職降國瑞爲都司光緒元年復以總兵詹啟綸歐斃胡士禮事牽連削職戍黑龍江八年十二月三十日以傷病卒於戍所年四十六九年七月戶科給事中鄧承修上言國瑞秉性忠貞不避艱危隨僧忠親王轉戰山東安徽湖北直隸河南等省平苗沛霖敗張樂行勦流寇張總愚任柱斬葛小元龔燿諸悍賊厥功劇多居平治軍嚴所得賞賜悉頒

給士卒無所私用能得其死力所向有功請

旨量予哀卹嗣翰林院編修尹琳基等復以國瑞行軍有法遺愛在民請於山東建立專祠皆從之尋奉

旨復總兵許其歸葬立兄子觀全爲嗣

賞還雲騎尉世職

龍岡山人文鈔

百四



龍岡山人文鈔

龍岡山人文鈔

龍岡山人文鈔

龍岡山人文鈔

龍岡山人文鈔

先大父行狀

大父諱思峻字羣望號堯民先世自饒州遷黃岡曾祖諱顯達例贈朝議大夫曾祖妣汪氏壽百歲例贈太恭人祖源祿例贈奉直大夫祖妣胡氏例贈太宜人父植彬贈文林郎母林太孺人早卒大父生三歲而孤育於祖母胡太君太君教之嚴動止必以禮先世賈於蜀主會計者相繼歿大父方讀書因棄去涉漢沔浮荆湘歷瞿塘灩澦之險是時伯大父方浮沈場屋每試大父必先歸爲兄料簡行李躬親服役數十年以爲常大父事伯大父恭每寒必奉衣曰大兄衣乎有頃必奉觴曰大兄飲乎

龍岡山人文鈔

百四

伯大父性闊略不問家人生產有白事者則曰以付吾弟而大父不以兄不問事未嘗不闕白而行道光十一年楚北大水隨伯大父赴省垣中流遇風伯大父懼以手持大父肘爪痕入肉血涿涿滴大父不知痛但強坐慰之曰風行息兄無恐也而徐古集者鬪茸之區也俗刁悍多游手無賴子或以爲不可居大父坐賈二十年皆懷以恩俗遂馴比歸有泣下者先議質庫所營子錢區爲三及罷計昆弟所支取畧盡大父曰豈可我有餘而兄弟不足耶乃以己所分者三分之二大父同祖昆弟四髮垂白猶同居終身未嘗面赤大父勇於善生平務以誠感人家有

奇方歲糜數百金全活無算歲飢度自食外悉出賑貸嘗購隙地爲義園買田數畝爲棺衾費以待族中之死無葬者見人貧苦或陰授以錢未嘗言恩族某嘗受大父恩後畔去以事誣訟臨質大父登其庭謂之曰若質爾情立見矣爾歸吾不爾較或謂某負恩罔可置大父曰族也及某死貧無以斂大父仍與之衣及錢有佃傭人不輸租甚桀驁家人將訴於官牒已具矣大父怒斥之於地曰我家自祖父以來未嘗訟人大父好讀書處塵市間手不釋卷自史鑑說部及陰陽家言靡所不覽尤喜先儒性理之言持已必莊必敬雖暗室中未嘗有情容子弟侍容

龍岡山人文鈔

百五

止稍不戒必呵斥嘗泣語良品曰此胡太君之教也大父年七十餘誦少時所習傳註如翻水平生禮賢下士麻城袁明府學濬見良品所爲文章歎曰吾見君大父知君當成就嗟乎良品幼爲大父所鍾愛大父每遘歸必命良品進所業文字加以督勉每秋試放榜大父必扶杖倚閭盼望捷音逮良品舉於鄉旋捷南宮入詞館而大父之墓木拱矣人生讀書恆希博一命之榮以承堂上歡笑今竟何及哉惟念我大父嘉言懿行得諸朝夕所見聞鄉里所稱說與夫賢士大夫所推許懼其久而湮沒不傳也爰畧述梗概載諸家乘以示子孫俾知夫貽謀之所自

云大父生於乾隆四十九年十一月二十一日卒於同治元年
六月十五日享年七十有九以良品貴貤贈中憲大夫兵科給
事中子二長鈞邑庠生軍功議敘六品贈中憲大夫戶科掌印
給事中卽先府君娶陶氏鮑氏贈太恭人次都國學生貤封奉
政大夫翰林院編修娶胡氏陶氏貤贈太宜人女一適儒士羅
慶緒孫八人長卽良品同治八年進士翰林院編修累授中憲
大夫四品銜戶科掌印給事中良璧侯選縣丞世襲雲騎尉良
簡良見良循良爵邑庠生良毅鈞出良醇都出孫女八人曾孫
男七人女五人孫良品謹狀

龍岡山人文鈔

百零

大母蔡太恭人行略

大母蔡處士諱斗回之長女也先世多甲科貴顯爲黃岡望族
逮大母祖父漸微大母歸我先大父年十九舅姑歿其王姑胡
太君尚健在胡太君治家嚴課諸婦績稍不力則加扶責大母
婉婉順職獨得其歡心先大父性矜重大母事之雖至抱孫常
斂容屏息惴惴如恐有失大父賈於蜀與兄弟同財而大母留
家惟自績以供饋粥至不給陰命先府君向鄰人假貸以度歲
比大父歸囊橐充物未嘗爲大母私置一簪珥有分物輒推以
讓大父諸姊妹是時同居上下數十人大母和娣姒睦中外戶

龍岡山人文鈔

百四十七

闔之閒雍雍如也大母性慈篤肫肫惟恐傷一物尤矜恤貧寡
每歲必手治醋薑貯甕中不自食良品問故曰以待貧病者需
耳見人有什物不收斂曰盍蓄以與貧者後年老猶績不輟先
府君跪請止大母曰此婦職也胡太君年老常績如是胡太君
歿已數十年大母時時垂淚念胡太君不去口嗚呼良品生五
歲隨大母起居每讀書大母起視天色微明呼良品醒眼朦朧
尙閉坐牀頭大母爲著衣入塾夜歸大母必篝燈以待迄今大
母棄養一千餘年矣其生平行蹟良品皆記憶不敢忘泣而述
之髮髯當日之投懷繞膝含飴笑弄時也大母生於乾隆四十

八年十月二十二日卒於道光二十五年二月十二日享年六十有一以良品貴賤贈太恭人孫良品謹述

龍岡山人文鈔

頁六



十有...良品貴賤贈太恭人孫良品謹述

八...良品貴賤贈太恭人孫良品謹述

先府君行狀

嗚呼先府君素強健無疾病性善飲酒咸豐辛酉秋八月回車書院行釋奠禮先府君與焉歸病且卧覺腹痛不可忍醫視之曰酒疾也七日後當愈越六日先府君命良品請先大父坐曲室中跪告曰兒疾如此恐不能侍大人養先大父慰之曰酒疾也七日後當愈出謂良品曰爾無恐爾父喜飲酒素不耐病耳是夜雞初唱先府君昏暈去良品哭而號之喉中聲漸微嗚呼逝矣閱三月卜葬於大栗山之原以先妣陶太恭人繼妣鮑太恭人祔焉先府君諱鈞字尚觀號味三先大父生丈夫子二長

龍岡山人文鈔

百四

卽先府君待之嚴稍不可於意則加呵叱先府君一祇受無幾微忤容有父執羅先生者嘗過先大父先大父外出時先府君幼侍羅先生飲飲未盡或卽酌怒曰酌何疾也飲盡或未卽酌怒曰酌何遲也先府君酌維謹羅先生亦以是愛先府君恭敬謂先大父曰君有子矣先世饒於財先府君性儉素獨刻苦自勵嘗夜讀書置酒其旁且讀且飲至鐘鳴漏盡不少休每試有司不利先大父輒怒以是先府君讀愈苦年三十補縣學生應省試四薦未售後課良品讀餼於庠先大父乃稍寬之而先府君亦以家累多不暇復苦讀矣咸豐四年粵賊陷黃州當事諭

各區團練道觀河爲楚豫要衝區最大團長難其人衆推先府君先府君辭卜於神先府君吉衆推益力先府君乃爲立條約編區爲十六甲甲有首每賊至輪甲出勇鳴金爲號聯各區爲救應賊屢窺境以有備輒遁去時鄰區各設團練局團長喜生事自用與衆不協團輒罷或至構訟先府君素方嚴及臨事藹然以和與衆共區畫視衆情所向較其可否而施行之性持重務鎮以靜不輕戰曰團練以自保耳戰胡可易言不苛派曰財有限後難繼也以是衆情大和守禦益固鄉人有爭競者走懇團練局先府君必曲爲解喻或引至家飲以酒事輒釋先府君課

龍岡山人文鈔

百辛

良品嚴亦如先大父之所以待先府君者嘗教良品飭廉隅敦氣節尤恥言聲利戚友中有顯貴先府君或不甚酬答若貧困者在門必改容禮與之飲酒族有虞門先生者居同社亦能飲酒先府君每得酒必招與共醉而佐其緩急數十年如一日先府君不習治家人生產家中落居恆有不適意輒飲酒飲必醉卒以此得疾而歿嗚呼痛哉先府君生於嘉慶十年二月初一日卒於咸豐十一年九月初五日享年五十有七曾祖諱源祿祖諱植彬父諱恩峻貢生先府君生子七長卽良品同治七年進士官翰林院編修累官戶科掌印給事中娶鄒氏繼娶王氏

封恭人良璧候選縣丞殉難賜雲騎尉世職娶王氏贈恭人良
簡娶周氏良見良循早卒良爵邑庠生娶戚氏良穀娶梅氏女
五長適傅學浩次適張廷秀三適汪久英四天五適江孫六定
經定權定猷定中定述定報孫女二良品不才辱從當世賢士
大夫遊學爲文章稍知自愛得諸先府君之教最多而先府君
遺行良品記憶最詳不敢致飾一語懼非吾先府君也伏惟哀
其志而錫之片言感且不朽不孝男良品謹狀

龍岡山人文鈔

百五

先妣陶太恭人行略

嗚呼良品甫成立太恭人見背歷今二十餘年乃得與先府君合葬於大栗山之兆太恭人姓陶氏世爲里中鼎族登甲科入仕版者不絕獨太恭人大父工心計業計然術起家纔宅皆腴田名園曲池饒有桑柘稻秫蔬果魚鼈之利至太恭人父以不善治生產家遂落或無以供餽粥太恭人痛之食常不能下咽先府君亦爲歲時供其匱乏不足則太恭人典塚時衣佐之太恭人弟諱潤楚善丹青有名早卒太恭人恤其遺孤嘗以其家七喪未葬言於先府君爲營繕俾歸土太恭人性慈孝事舅姑龍岡山人文鈔

百卷

以順待婢僕如恐傷之乳媪傭工有數十年不忍言去者寡言笑終身不聞有叱咤聲而性敏慧知書史女紅皆精絕嘗剪絺爲山川人物花草鳥獸蟲魚之形奕奕生動以故諸姑姊妹皆從太恭人學繡良品幼讀書太恭人窺塾師外出必至案頭問兒讀何書書念熟否或把筆教良品字畫及良品成童列於庠太恭人無喜色謂之曰爾爲秀才益當勉也良品今年逾強仕德不加脩而學殖日荒落負太恭人之慈訓多矣然而纂述太恭人之生平懿行載諸家乘鑲諸金石雖不敏其曷敢辭男良品敬述

中憲大夫直隸知州陳君墓誌銘

君諱翼舉字序賓安徽石埭人先世由徽州祁門遷石埭族蕃衍宗法嚴有不帥教者族長治之不煩官府故俗不佞戾曾祖策江蘇蕭縣典史祖楚寶浙江候補典史考鶴齡議敘從九品贈中憲大夫君生四歲太夫人教以字七歲讀書解大義年十六補博士弟子員益鏗厲於學諷習不弛手二十一父沒始筭家政條飭內外井井時西賊內訌倉卒挈家遯走山谷閒轉徙至安慶貧囊蕩空有陳虎臣父者君師也爲曾文正公所賓禮聞君至喜言於曾文正公公一見器之命司權江西建昌鹽建

龍岡山人文鈔

卷九

頁三

昌氓獷悍其倡徒阻徵者曰鹽梟勢夙張吏莫敢誰何君至迪以義齊以法咸帖耳弭伏輸委纏屬軍給以饒司事蔣某廉其才會福建界有鹽梟陰附賊不輸征欲君帥民兵五百人督其賦君曰彼恃賊五百人何能爲徒滋亂耳不聽別遣其屬行至則爲鹽梟害文正公用是偉君之先識焉先是軍與久食匱輓艱侍郎雷以誠仿商賈抽釐法權百貨給軍江西踵行之君以釐鹽並權民不堪請裁併以紓商力從之遂改君司權萍鄉釐君董治如建昌時商謚課增李肅毅伯督江南聞君名檄君至軍幕主會計出入君區理有序綱整目析肅毅倚君如左右手

隨節歷山東河南山西湖北陝西晝則馳驅鞍馬夜則勤勾稽
治文書不遑息暇賊平敘功以直隸州知州河南候補班前補
用賞戴花翎光緒三年直隸災

上發帑金數十百萬下直隸賑飢民肅毅以君綜其事君战兢
重輕籍注躬謹吏不敢姦欺氓困用甦敘功留直隸以繁缺知
府用先換頂戴君爲人篤廉洞時變持大體不嚶喋苛事先後
在軍府三十餘年無纖毫訾愆尤精長桑公書爲人治疾決生
死多驗有某病且殆君曰無苦醫病之耳醫醫足矣藥投病若
失又有某患微疾君脈之出語人曰厄矣是不可治後果死平

龍岡山人文鈔

卷九

百奇

居齋斷自持達官貴人招不以禮則不往有持重幣求療者卻
其賄而予以劑曰吾不醫利也十年春感勞疾卒於天津邸舍
年五十一子六惟喬早卒惟彥國子監生官大理寺丞惟庚嗣
弟後惟壬蔭生候選州判惟真惟奎俱幼女一人孫二人惟彥
從余遊讀書服官克紹父志李肅毅舉代君任將歸葬君於故
山之陽寓書至都丐余爲銘銘曰

肅肅義門詩禮之宗蘊德弗耀迺獨鍾奮迹戎馬值蹇而通
根盤節互以厲才鋒齊舉管庫曰賢是庸旣庸爾賢又版爾功
帝曰欽哉股肱汝從懸乃未割芒頓以終走告於朝悼此靖恭

賞延後嗣恩篤且隆其生也瘁其死也榮鳳嶺嵯峨鬱鬱者松
魂歸故鄉奠此幽宮

龍岡山人文鈔

百五



龍岡山人文鈔

卷之五

贈資政大夫候選都司范公墓誌銘

公諱欽字雨山先世學士常公居姑蘇至承吉公徙居蘄水以孝聞居母喪廬墓三年蘄水邑志所稱范孝子是也勝三公再遷黃岡世居邑之儒博村曾祖考思名祖考起鳳國子監生考紳布政司經歷生丈夫子四而公其二也伯考綱無子以紳公命爲之嗣公元配陳夫人亦無子年六十而妾楊氏始生子華封良品始未識公咸豐丁巳粵匪之亂賊由英霍竄上巴河官軍營白雲山上與相持礮聲徹昏旦賊四出焚掠村聚公挈家避居余龍岡之西莊時妾楊氏已有身賊退公別去已而生男

龍岡山人文鈔

百卷

余聞之適適然爲公喜也始公之未生子也同邑某家殷富亦無子約公於寺中設經醮祈福公笑曰善不在是也吾知之矣越五年其兄子寶田署正邀良品館其家至門見有衣藍縷挈竹筐扶老攜幼百十爲羣負擔而立者曰領賑穀也登堂見有敝衣羸履面黧黑蹣跚上座問之辛苦自賊中來曰告資斧也暇日散步村外里許見有翼然跨於水上垂柳掩映土人語余曰此范都司所造覓兒橋也其東有鶴子湖焉波濤洶湧舟楫於岸又范都司所設以渡行人者也良品喟然曰嘻公向憂無子而今有子其以此乎越八年余假歸過其家而公已前死矣

其子出揖客聰慧可念秩秩如成人良品又喟然曰公向憂無子而今有子若是范公其不死乎公接人無城府人有過常面斥之或以此招尤終不改良品聞諸其子弟云公生於嘉慶四年十月一日卒於同治四年十二月一日享年六十有七兄子寶田謂公將葬索余銘以掩諸幽銘曰

天道無知天道有知何伯道之吝而范公之施匪范公是私惟利濟是歸嗚呼後之人其不承於茲

龍岡山人文鈔

頁五

陳曾長觀訓利給之人其世和公茲

天無難世天無有世何世世之吝而范公之施匪范公是私惟利濟是歸嗚呼後之人其不承於茲

寶田謂公將葬索余銘以掩諸幽銘曰

年十月一日卒於同治四年十二月一日享年六十有七兄子

寶田謂公將葬索余銘以掩諸幽銘曰

年十月一日卒於同治四年十二月一日享年六十有七兄子

修職邱黃陂縣教諭李君墓誌銘

吾郡黃梅濱江介之閒山水清淑有破額山峰巒隱秀溪流如碧玉爲古文人墨客吟眺之所駐而孟耕先生適生長其閒蓋先生系出唐拾遺渤海朱季自江右遷梅明懷宗時有諱應秋者爲荆藩所辟晚乃築室於山之麓子孫遂世家焉三傳至岫山登乾隆乙酉拔貢岫山生子寄生以名諸生授經吳楚閒是爲孟耕先生之父先生幼聰穎異常童讀書一目數行下嘗讀儀禮至古澀鉤棘不可句讀處爇寸香爲限背誦十紙琅琅如翻水不遺一字而香尙燃未燼同學皆大驚爲文章鏗徑鏗町

龍岡山人文鈔

百卒

沈精驚理思洞元微觀者輒目聘舌橋莫測其涯矣嘉慶庚午舉於鄉計偕至京師公卿慕其學行爭延致爲師使子弟從受學先生洪甄大陶鼓鑄畢良一時門下高足弟子或歷封圻登卿輔赫然著聲望而先生七上春官不第竟偃蹇以廣文終無何策蹇驢出都門歷遊吳越下荆襄流覽佳山水徘徊風景發爲詩歌骯髒激昂以攄其抑鬱不平之氣旣倦而歸歸而息影蓬廬養疴山林泉石閒暇則曳杖與田夫野老過從樽酒桑麻從容言笑意甚適也遭父喪號踊殆絕殯葬如禮服除授黃陂縣教諭邑爲人文藪先生至以礪風俗淬古學爲己任曰官雖

小道自尊也誘進三舍生徒如其子弟皆嶄然奮頭角邑士風
蒸蒸日進於古語曰經師易求人師難得若先生者經師人師
尙何愧哉尙何愧哉先生於書無所不窺至老習讀不輟有懷
德堂詩文集若干卷藏於家平生手所鈔撮臨終盡以付其孫
炳燾先生生於乾隆四十五年十月三日卒於咸豐元年十一
月二十六日春秋七十有三子三長文駿從九品次譽驪增廣
生季文駒國子監生孫九人均元文學生炳燾同治三年舉人
揀選知縣炳珍炳璘文學生炳琅廷琛果煥虞膳生藻煥文學
生曾孫十四人瑞芳虞膳生以同治八年十月葬於邑西考田

龍岡山人文鈔

墓

山之原夫人余氏耐焉其孫炳燾與余爲鄉舉同年以狀乞銘
銘曰

生而改其光兮莫之爆也以牖後之人兮鏗其學也藏之幽兮
徽之邈也

贈驍騎將軍劉公墓誌銘

劉君與國以武舉起家從戎海疆積勳當得大官不就退而養親以終親沒踰二十年迺走京師挾奇術療諸貴人疾輒驗不受值諸貴人德之誼曰置酒謝文節公祠召諸貴人麀至則肅衣冠迎拜曰今日是某先將軍生日也願乞一言爲泉下人光寵余曰然子之先將軍葬有年矣珉石闕如是不可無銘越日君以狀來余序而誌之謹按公諱永琇字茂材姓劉氏先世居湖南澧陽縣元末避亂遷蒲圻曾祖諱世佐祖諱宗入蜀就婚李氏遂寄籍爲蜀人父諱親順國子監生早卒公少孤家貧事龍岡山人女鈔

百五

母以孝聞母年九十公七十色笑媻媻如嬰兒女弟適人爲紀衣食營產業俸不憂糈艱以貽母歡心性喜佐人急鄰翁某貧不能自存常待以舉火有女年及笄甚美感其德遺以履弗受曰敬老恤貧吾分當爾何德爲且女未字吾方鰥嫌疑之間君子不處尤喜賓客酒醴肴核終酬勸無倦容佃傭久不輸租貧甚竊其屋材以爨不與較遺以金遣之嘗誡子弟曰甯人負我勿負人也卒之日入寢室爲母正衾枕母曰兒姑休跪曰兒求再爲母役其可得耶既出端坐於堂而逝公生於乾隆四十年十月三十日卒於道光二十八年二月三日葬安岳縣化塵山

之原子四長達興次卽興國官都司加遊擊衛次遠忠遠耀女
一人適武庠聞賢遠孫六人昌瑞邑庠生昌麟武舉昌祥昌紱
昌吉昌嶽

銘曰書云惟孝友于家譬殖木本敷厥華枕方寢繩無疵瑕見
義渴赴邁恐差篤行君子其人耶德昌以庸馨以遐幽官長暝
何歎嗟

龍岡山人文鈔

頁叁



昌吉昌嶽
昌吉昌嶽

一人遊流南蠻蠻野六人昌莊昌卓昌輔
人冠子國身裝與吳聞與國香滯居
取與國香滯居取與國香滯居

誥封奉政大夫田潤三府君墓誌銘

嗚呼光緒戊寅丁丑間河南歲大饑道殍死相望存者率鵠面
胼瘡千里無爨煙疆吏匿祿不以告有田府君者怒焉憫之死
有稽生有廩病有藥寒有絮襦悉擗所有以甦疾困戊子鄭州
河決黔首淪魚鼈府君賑贍惟恐後洵若飢溺之迫躬逮其二
子貴僉曰豐之施而後之延宜哉府君諱若霖字潤三先世山
西人明中葉遷河南祥符曾祖考諱峯國學生妣牛氏祖諱毓
棟候選州同妣陳氏考諱侗候選從九品妣段氏以子若孫貴
累贈中憲大夫妣贈恭人府君幼愿長推擇爲吏筦度支以廉

龍岡山人文鈔

百奇

慎名咸豐癸丑粵賊圍汴衆逃去獨守簿書弗肯離年例滿議
敘從九品以親老不就銓親有疾不解帶累月晚習靜寂闢小
園蒔花木游泳其中挾黃老一卷自隨益沖泊寡營慮光緒十
四年八月某日無疾端坐而逝春秋七十有四夫人劉氏國學
生諱鑑女慈儉有家法先府君十七年卒子二人愷候選府經
懸愉幼殤怡光緒三年進士內閣中書孫四人成基溥基崇基
培基曾孫二人府君昆弟三人次兆霖次渥霖兆霖子恂光緒
九年進士山東知縣悉府君所植就令其子怡將以今年十一
月與夫人合葬於會城巒莊之原來乞銘銘曰

嵩之高河之長有人兮睥而莊渴於義韜乃昌隆然邱迤然岡
土垠北邃以臧億萬年於此藏

龍岡山人文鈔

百卷



王姓北靈以祖翰萬年於此藏

嵩之高河之長有人兮睥而莊渴於義韜乃昌隆然邱迤然岡
土垠北邃以臧億萬年於此藏

范義士墓誌銘

咸豐九年夏太子少保兵部侍郎巡撫胡文忠公林翼駐節黃州聞黃岡東絃鄉范氏先世有善行書額榜賜其家迺復上其事於 朝請褒顯以諷來者越明年奉

旨建棹楔旌曰義士於是世咸知有范義士云義士諱紳字朝典先世常公爲明洪武間學士至遠祖承吉有孝行始遷居蘄水承吉子周再遷黃岡曾祖烈宏祖思名考起鳳太學生生又夫子三其季則義士甫冠遭伯仲兄繼歿遂棄絃誦筮家政范氏自先世服穡儉勤饒於貴義士席先業復振挈之家益隆隆龍岡山人文鈔

百卷

然起性伉爽喜任人急里中有鬻其婦者問之曰迫於責耳召所負家償之金婦獲全常爲家約春夏交三麥未登度自食外有餘粟悉振廩而傾散之至今子孫遵行其法罔怠咸豐六年歲大旱兩淮間兵興不得耕種飢民轉徙流離千百成羣充塞塗路衣服襤褸顰面而鵠形望之疑非人范氏益大發倉粟八千餘石以資就食既受粟曰漸有起色於是環相顧私相語不禁感激歔歔泣數行下曰微范氏吾其死於溝壑乎義哉范氏義哉范氏而范氏曰此先人之教也嗟乎一鄉一邑之間非無有大力挾千金之產者平時析利及毫毛脫有一二戚屬不自

存登堂賃一斗粟輒搖手作糞人狀一旦天災流行彼且揚揚
然坐擁倉箱計所入粟當鬻利幾倍戒閭人無得授乞丐一錢
到門則叱咄從之獨何心哉迺見范氏所爲且有訕且笑以爲
市名與鬻惡者而義士曾不以此稍顧恤旣好行其德不倦而
又以之遺子孫俾守爲家法嘻此義士之名雖身死數十年而
闕德之幽光有爆發於身後而不可掩也夫義士生於乾隆三
十年七月十二日卒於道光元年十月十三日年五十有幾議
敘布政司理問葬武昌之永福里配樊孺人後義士卒子四廉
邑增廣生欽都司斌布政司經歷鈺布政司都事女一人適劉
龍岡山人文鈞

士遠有苦節孫七人華玉欽賞藍翎光祿寺署正璧候選縣丞
耀愷議敘八品華翰縣學生華琳鹽知事女孫一人曾孫十四
人其一粹純邑廩生余友而師事余者也能文章敦志行不辱
其先人一日肅衣冠持義士行狀向余再拜謂其曾大父歿四
十餘年忽膺 朝廷非常之典將酌酒告諸墓而誌石久缺不
可無辭余惟義士懿行尙多如修小礮阪橋以便行人助河東
書院脩火以勸多士詳冷芝巖王菊門傳中茲不載載其受旌
於 朝之由者銘曰義猶路然由利斯遷吁嗟范君詠世德耶
義有莊貽孫謀耶義有方身幽而耀澤邈而昌過其里巍然者

是惟義士之坊式其墓隆然是惟義士之藏謂予不信 天
語煌煌

龍岡山人文鈔

頁六



龍岡山人

是惟義士之坊式其墓隆然者惟義士之藏謂予不信

費吉甫墓誌銘

余與吉甫同舉同進二年榜其弟芸舫次年成進士官京師遊處甚驩吉甫以光緒九年二月二十四日卒於家芸舫聞訃航海而南哭其喪踰年謀葬君具狀屬余誌墓石辭甚哀其略曰嗚呼延釐少與兄侍先太夫人養起居飲食左右必偕嗣經喪亂流徙邨落閒咀苦茹痛形影未嘗離及予奉職京師兄應禮部試閒一二歲來省予旣別猶執手期後會而今已矣余讀而悲之謹案君諱延慶字吉甫江蘇吳江縣人曾祖諱振勳刑科掌印給事中祖諱蘭墀翰林院編修考諱元銘以舉人官安徽

龍岡山人文鈔

百九

休甯縣訓導君訓導公之第四子也上有三兄皆早卒君性篤愨少爲訓導公所鍾愛督之嚴動止必於禮偶嬉戲作謾語必怒而戒之曰禮云幼子常視毋誑則悚惕受命唯謹故終其身常恂恂無讟言平生鏤刻於學爲文章洞微闢堅不桎梏於俗見者咸刮目年十九餼於廩踰年貢於部又踰年舉於鄉皆曰學臻哉猶未殫厥用君遇人無戾容恂恂如恐傷雖在下位常思舍力以利濟物初嘉道閒歲大水君王父倡仁善局於平望之平波臺賦歲人以廩荒獨者君踵成緒益挾拓而布之祖舊額有增旁及施構掩骼諸善舉每於春夏交行野田草露中督

備瘞枯骨之無主者躬自檢視歸而面目顰蹙家人顧視駭且
笑則怡然曰事非躬歷心弗慊也嗚呼吾聞吳門多隱德君子
饗善渴義急施拯惟恐後用以集祐於厥躬君儻其一歟而願
踴躍以沒豈亦有幸有不幸歟君以輸餉議敘候選國子監學
正以弟延釐貴貤封中憲大夫卒年五十無子以兒子樹達爲
嗣女二人長適徐文藻次字柳念曾以光緒十年某月日葬於
吳江縣上盈圩之原銘曰

木葱龍蔭千畝兮秋霜隕之胡義路之回翔兮尺步窘之盛德
不延乃止於斯萬口咨嗟曰古之遺松耶柏耶靈所宅耶嶮然
龍岡山人文鈔

而高有道者之碣耶

應山饒府君墓誌銘

應山當冥阨之南山谷阻深林木駘然其中伏處往往多隱德君子以余所知則饒君雄楚其人也君爲人孝友於家仁讓於鄉貞而和於物謹而練於事其行若無以異於人而表裏內外精白無過差至今長老道其行事猶舉以爲子弟式云君諱瑩國楷君長子幼卽露頭角父見其有綜理才年十五授以家政君躬養肩勞凡父母意之而不能有者必殫力營致期慊其志乃已父憫其劬瘁則曰兒優爲之無苦也妹適梅氏家甚箕周之終其身父曰而焉能以窘濟窘君曰窘一也兒能自力妹弱

龍岡山人文鈔

百五

胡忍視其殍爲伯父久析居老且貧君迺奉於家完其遺責婚嫁其子女死而育其遺孤孫產爲豪右覬覦且兼并君默鋏以誠事迺解君言行信於鄉人凡爭訟之不能平者出一語譬曉之輒得釋以故咸樂取決於君數十年無干有司者君生於某年某月某日卒於咸豐九年某月某日年六十有二葬於某山之原家世具其父志中夫人閔氏賢而能佐君施早卒別葬子登遠舉人通經術孫允修曾孫同寅始君在時有善相人者指其面曰據法君當無子然善氣粹然德基厚矣後必有興者昔宋蓮處士居應山非有政令恩威以親其人而能行之以躬不

言而信故子孫皆貴顯歐陽修誌其墓今君之居地同其行義亦同其子孫之熾昌當無不同而惜無歐陽之文爲稍異然余卽非歐陽而敢以不文辭於是乎銘銘曰

同市躋豐匪天其常善必有後降鑒迺彰猗嗟饒君寵篤而良相君之面不可覩兮相君之心天所祐兮綿綿世祀永奠於茲土兮

龍岡山人文鈔

百五

王堯臣墓誌銘

余繼室王宜人之弟曰堯臣從余游余避亂東山間落魄無偶堯臣嘗左右之余每至其家輒留連堯臣必爲治酒肴賞花賦詩相燕樂余於世少微遂得堯臣益大驩而堯臣乃不幸爲賊所得不辱死方賊之至余隨外舅輾轉遷徙堯臣獨請留家有積困歲大饑恃以食堯臣歸視蓋藏遇賊賊劫之曰盍賂我堯臣謾應之旣而曰必若屬持以來堯臣恐危其父母慷慨言曰大丈夫死耳何賂爲賊怒韋以出堯臣無幾微悔懼色遂刃之賊退求其屍不得其父母哭之慟爲招魂葬其衣冠於沙河之龍岡山人文鈔

百七十三

東後十年余官京師御史劉國光采掇楚北死難節義士聞諸朝堯臣與焉得

旨入祀昭忠祠而外舅書來索余爲文瘞諸幽嗚呼堯臣孱弱書生耳憶從予館岐亭之西村霜風四壁篝燈夜誦遇古今忠臣烈士事往復流連低徊而不厭及事至而乃能躬自蹈之不屈於寇暴堯臣爲文章具梗概遇於時可致名位而乃以授命顯不浪浪也其不幸耶其果不幸耶堯臣諱光政其死難以同治三年六月曾祖諱承義祖諱蔭鵬父朝弼余外舅也妻吾之從妹無子余忍無銘銘曰

仲弟寶臣墓誌銘

仲弟寶臣以同治丙寅十二月死於賊踰年未得其息耗舊僕蘇五自賊中歸爲言天大雪渡石榴河橋見寶臣屍卧地血糝糊面目可辨識被驅不敢檢余聞而哭之慟爲招魂於其室以余子定中嗣蓋哀其野死而無子也歲庚午余遊江漢間遇湖南黃某見余名刺問曰君姓有某某者否余驚曰是吾弟也子何知之具述與寶臣同在賊所寶臣高歌痛哭賊役之輒不應一日忽箕踞大言曰諸君毋苦賊何足畏怖曩嘗隨吾父率鄉兵與賊戰賊驚愕然視或解之曰是人心疾耳復怒曰吾何疾龍岡山人文鈔

百七十五

吾父爲團長嘗誓殺賊豈畏此狗彘爲賊大怒驅以出同繫皆汗被面戰慄不敢語出視之橫屍死矣余聞而淚涔涔滴愈知蘇五之言信光緒丙子四月御史劉國光列其狀於

朝奉

旨入昭忠祠

賜雲騎尉世襲恩騎尉年三十有六弟少余六歲性剛介與家人多齟齬用齟齬其短於父母前漸失愛然事余獨恭謹遇諸幼弟及余子啍啍如也賈於蘇致折閱被譙讓太恚恨遂遺心疾發狂嘗獨居一室平時喜吟詩工丹青繪畫疾作輒書牆壁

及計簿尾爲古今韻語皆清婉可誦閒畫古梅疎竹杈枒形墨淋漓滴見者皆詫訝余以事渡江至羅湖洲不及護視爲賊所得固知其能處死而果然矣嗚呼寶臣諱良璧字連城以輸海疆軍需議敘正八品候選縣丞妻王氏余命家人葬其衣冠於某原迺揮淚爲之銘

銘曰弟之生也夢有被甲而戟冠入於吾室呱呱墮地越幾何年而隨余肩吾讀汝耦於硯吾吟汝賡於篇命之不成乃遘斯患雖賦性之婞直甘捐脰而不愆抑忠貞之義訓素所漸漬而使然嗚呼魄淪於地兮聲聞於天

龍岡山人文鈔

某恩臨世系感之論
論曰弟之主也憂育姪甲而婦嫁人於吾室呱呱墮地越幾何年而隨余肩吾讀汝耦於硯吾吟汝賡於篇命之不成乃遘斯患雖賦性之婞直甘捐脰而不愆抑忠貞之義訓素所漸漬而使然嗚呼魄淪於地兮聲聞於天

某恩臨世系感之論
論曰弟之主也憂育姪甲而婦嫁人於吾室呱呱墮地越幾何年而隨余肩吾讀汝耦於硯吾吟汝賡於篇命之不成乃遘斯患雖賦性之婞直甘捐脰而不愆抑忠貞之義訓素所漸漬而使然嗚呼魄淪於地兮聲聞於天

崔母王太夫人墓誌銘

己丑秋八月賀生勛以其鄉崔太夫人行狀至踰日其孫瀛以將葬來求銘余夙儀太夫人賢雖不文其曷辭謹案狀云太夫人爲龍友將軍室將軍轉戰淮南北留太夫人侍父母太夫人服勞怡色甘旨滫瀡朝夕左右而使其父母不知有子之征役至軍中佐將軍拊循部伍均一苦勞一切營繕如家而使其士卒不知有戎役之艱瘁以夫貴

誥封淑人教子息有軌法起家成進士官總鎮最忠勵勤碑競力王事而使其子不知有尸饔之嗟恤以子貴累

龍岡山人文鈔

百七

封一品太夫人賞緞玉及珍物壽臻耄耄曾元林植簪紱濟濟雍雍豫順康和而數十年家庭不知有期功之喪戚以五世一

室蒙

賜御書旌額茂哉福祚之隆何道之修歟詩稱魏地隘隘女手縫裳要褊其俗儉嗇而褊急太夫人性寬敦樂施捨衣食人崑無算殆不類俗所云也吾聞仁慈必有後豈不然哉豈不然哉太夫人姓王氏趙城縣太學生王元弼女以道光三年歸於武功將軍賞戴藍翎卽補參將署東灘營都司崔公存麗子四萬清道光二十四年武進士副將銜江蘇城守營參將賞戴

花翎次萬榮道光三十年武進士 御前侍衛軍功記名總兵
大名鎮遊擊 賞戴花翎三萬華咸豐八年武舉儘先都司

賞戴藍翎四萬春孝廉方正甘肅階州州判孫十一瀛光緒三
年進士四品銜禮部精膳司主事昭元太原鎮右營都司捷元
武庠生峻炳開元通元啟元昭元書元調元朝元俱業儒會孫
三光勳光業光迪元孫一國恩以光緒十五年正月十四日卒
於江甯城守協署壽八十有五以某年某月某日與龍友將軍
合葬於石止里南之南坪原銘曰

維寬之仁維煦之溫維遠之屯維福之坤萃祉厥躬施及後昆

龍岡山人文鈔

百七六

自根布葉娠武育文有赫其閭匪德曷因太行巍峩螭首高蹲
敢告女士視此壺芬

范太恭人墓誌銘

余友劉君曉瀾一日持其里嫻王大恭人行狀屬余爲誌余受而讀之亟語劉君曰是非他是其子舉於鄉而與余同歲者也是會宰吾鄉以治行稱百姓戴之因而號其母爲衆母母者也余雖不文其能無銘謹按太恭人姓范氏曾祖諱某祖諱某父諱如泰年二十歸贈君王樂山爲繼室前室遺子女二歧腹均愛生子一周歲而寡旣養且教一言動必督於繩度而後已嘗立孤於前而泣語之曰汝父有隱德產非豐推肥與諸昆擇瘠且穉者而處焉好佐人之急貧無籍者恆待以舉火汝勗哉天龍岡山人文鈔

頁五

不絕王氏吾於汝有厚望也夫比其子旣長成名未立則誨之曰古者宦學四方爾能是脩脯之需行李之資吾十指可給也及其子試爲令則又誨之曰天理國法人情三者從政之本汝其志之嗚呼是可謂賢明知大體者矣以光緒六年二月六日卒生年八十有四葬鄞都縣鶴燕山之原太恭人性慈而勤喜施予如贈君聞乞兒呼號聲拯之粟惟恐後鄰有老嫗餽梁肉嚴不絕其就養官舍也衣垢必躬自浣濯婢僕請代則曰吾力尙強奚役人爲嗚呼是可謂勤身而惠於物者矣故太恭人搢

扞艱難閱五十餘年厯屯獲亨終以光耀門戶者其道蓋由此

子元曾同治三年舉人以教習官湖北南漳縣知縣攝沔陽州
知州孫二彥普貴州青谿縣知縣亮普分部學習主事曾孫有
二人銘曰

繁古懷清用財自衛不積而施迺温且惠娠賢察政生我氓隸
藹藹仁風溢於巾悅有淑斯箴胡瑣不濟蜀岡崔魏過者出涕
邈矣遺徽休垂後裔

龍岡山人文鈔

百六



龍岡山人文鈔

龍岡山人文鈔

龍岡山人文鈔

龍岡山人

龍岡山人文鈔

龍岡山人文鈔

旌表孝女涂福姑墓誌銘

夫御史臺職主憲紀匪惟是務搏擊不貸奸而已必將佐朝廷扶善闡淑不闕幽隱用一視聽而軌頑懦故自隸諫垣以來采以入告者凡順子貞婦烈義騎行男女八十有四人而最後乃得襄陽孝女涂氏福姑福姑者兩淮鹽知事涂國政之女而庠生曾磨授之聘妻也年二十可嫁矣適父病女留奉湯藥晝夜不交睫侍唯謹逮病篤女私禱天求代父死父沒迺飲鴆死家人哀其痛父不欲生而不虞其志之決也事聞里中人無知與不知咸相與嘖嘖道之曰孝女哉孝女哉光緒十二年冬余

龍岡山人文鈔

百全

得其顛末以上御史臺臺以達於禮部部臣奏言臣部旌例孝子割股有矣烈婦殉夫有矣而女殉父死未之聞焉禮女子在家從父從父命耳而乃能從父死哉夫孝爲百行宗無男女一也男子旌之曰孝子矧其女子哉是宜旌制曰可其旌如孝子例踰年葬有日矣其季父元甫主政謂良節女以子言旌更願以子言銘嘻余其可辭迺陳其獲旌之由者系諸墓石復爲之銘曰

謂女可無死死乃其愚女知有父而遑及他圖父死女死女志不渝哀女之志盡人與吾采風以告

天子曰呼不冠而笄乃有彼姝率其摯性視死而愉以爲穎俗
人紀之橫天高聽卑鑒爾區區降此異數今有古無古曰曹娥
今日福姑同在人口孝女之呼生女門楣其在此夫

龍岡山人文鈔

百全



今日讀故同齊人口孝女之呼生女門楣其在此夫
八族之對天高聽卑鑒爾區區降此異數今有古無古曰曹娥
今日福姑同在人口孝女之呼生女門楣其在此夫

贈雲騎尉梅先生墓表

吾黃受粵寇之禍焚剽戮辱惟同治甲子爲最酷甲子寇至士民不撓於賊併命者踵相屬而慷慨憤厲震動耳目惟梅惠林先生之死爲最烈方賊事起鄉堡競團結推先生爲之長先生輯保甲蒐卒伍賊至與戰輒敗之村聚賴以完已而賊大至黨聚數十萬綿亘百數十里衆知力不敵爭避去先生憤然曰大丈夫死耳何避爲至是賊及門先生迺罵曰咄反賊敢入我室賊扶之罵益厲顧見其夫人在旁賊向其夫人索篋笥中物夫人亦罵曰我家世寒儒安有長物賊並刃之遂遇害其仲孫秉龍岡山人文鈔

百全

殺被賊執不屈死孫婦邵氏遇賊亦投水死嘻烈矣哉微先生平日忠正之氣植於身而型於家曷能臨難爭自奮銳所就之卓卓若此也是時余避亂深山中有言先生罵賊狀者而未確余曰是必然矣先生固剛烈士憶先生館於易河鄒氏有古寺塑祇神像時歲旱土人昇木偶禱雨簫鼓幢幡魚龍曼衍倡優雜戲男女棄作業奔逐雜沓糜金錢以萬計先生惡之因被酒指神像大罵聞者咸讙訕而先生箕踞自若奚有於賊哉事聞賜襲雲騎尉祀忠義祠先生諱兆棠字衢達惠林其號也黃岡縣學生元配張夫人早卒繼室周夫人從先生殉難者也子三

長秉宗增廣生次雄飛襲雲騎尉三烈光能文章亦早卒孫七
人植廩膳生

龍岡山人文鈔

百餘



人植廩膳生
長秉宗增廣生次雄飛襲雲騎尉三烈光能文章亦早卒孫七

贈奉政大夫內閣中書王君墓表

余服官京師十年所見當世巨卿鼎族其先世類皆德履行幽躬閱弗耀以萃而大彪耀於其後蓋僂指難悉數而其一徵諸英山之王氏英山雖蕞爾邑而王氏後起登甲科注仕籍者歲跡踵不絕爲一邑望有蔦亭君者官中書辱與予交一日持其贈君行狀乞誌諸石余受而讀之始知其育源非偶世有隱德而羣從子姓能以文章致身通顯者亦贈君陶範之力爲多謹按贈君諱春藻字煥宗邑諸生始祖玠宋進士官蘄黃鎮撫使殉節於蘄州之龍潭磯入忠臣祀後遷居英山世爲英山人曾

龍岡山人文鈔

百金

祖植祖從信父善誘贈奉政大夫贈君幼莊凝饗學若天性遇經史大義覃思索微至忘寢饋中遭乾構頽隕米鹽淩迫諷誦幾廢季父某割藏金將爲其納貲計君不可會大水漂田畝隄盡潰工築不就君卽出納貲金助其役季父止之曰金汝進身梯也胡擲此君曰忍坐視諸昆之餒而一人之榮耶時家益窶艱迺授徒自給得其指授皆發名成業以去視從昆弟子如已子督之必嚴而訓之必勤必躋之於成就而後已晚歲輟講聞居嘗舉祖父拾遺金於路守還其主爲子弟誠而閭里以君峭直肖其先人遇爭鬪事得片言立解釋數十年無涉訟庭者夫

誥贈奉政大夫襄陽涂府君墓表

余嘗讀襄陽耆舊傳至所述龐德公司馬德操事身隱而德曜不言而躬行復哉邈矣未嘗不慨然想慕其爲人逮余至襄陽問其故居遺蹟罕有知者閭閻唯稱道涂府君行事有古昔賢風余心儀之後十年余官京師與涂元甫主政游出其先世行狀視之則襄陽人所稱涂府君者卽其父也府君諱華堂字春山貢生曾祖宗霖黃陂歲貢生以教讀居襄陽遂家焉祖諱文烈父諱章典皆爲襄陽邑庠生初父年甫四十鰥不再娶晚嬰疾殆府君偕婦侍湯藥數月不解帶寢父沒哀毀側行路襄龍岡山人文鈔

國政邑庠生兩淮候補鹽知事國盛光緒六年進士戶部主事
即元甫也孫八人家勳優廩生家驥供事議敘府經歷家善家
慶家璧家玉家彥家駿俱業儒孫女七其一福姑未嫁殉父死
奉

旨旌表孝女者也府君以光緒七年十二月二十五日與夫人
合葬於樊城北鄉之長運山修撰黃思永爲之誌銘而復
述所聞者揭諸其墓門之右

龍岡山人文鈔

一百六

龍岡山人文鈔

龍岡山人文鈔

龍岡山人文鈔

龍岡山人文鈔

龍岡山人文鈔

龍岡山人文鈔

龍岡山人文鈔

處士胡君墓表

胡文彥純一日攝衣冠持其九世祖事略踵余寓揖而言曰余有事煩君倘亦君之志乎余之九世者君之高祖妣胡太宜人之王父也其配鄭氏者君之高祖妣胡太宜人之王母也而祔葬墓右者其次婦梅氏則君之高祖妣胡太宜人之母也歲久風雨剝蝕墓土頽且壞將鳩工葺治之舊無誌石君家伯祖司馬君欲爲之未果君蓋成先志乎良品亟應曰唯謹案君諱耀祖字介生壯歲服賈於雲南之鶴慶府雲南在萬里外爲中國極邊遠地四時煙瘴之氣蠻獷之俗殆不可與居然積有金井

龍岡山人文鈔

三百九

有鹽輦內地貨與之交易輒獲倍息以是賈其地者往往坐致富饒而貪重利安於其俗者亦遂沈溺老死而不思歸君旣獲厚貲因請於州州請於大府給官牒於康熙之二十五年攜妻子奴婢旋里當是時三藩煽亂吳逆稱兵拒朝命晉人民君不樂居於其土固宜然烽火相望道路行旅斷絕君雖欲歸無由達泊大軍平復雲南罪人斯得中外冥然關津無阻君得歸而死死而葬葬而子孫以時修其墳墓雖君之擇術有過人者亦足見國家威武戡亂澤及商旅之效也君行事不少概見其歸也邑人李喬胡氏李廷棟何氏實從之四人者歸無家依君

以終君待之良厚子四世勝世賢世傑世祿孫若干人孫女則
良品高祖妣胡太宜人太宜人言動有禮法撫先伯祖幼孤教
之嚴卒能成立起家列仕宦至今族中稱治家法必首太宜人
其由來蓋有自也嗚呼此余伯祖所每欲表而揭之也夫

龍岡山人文鈔

三百卒



其由來蓋有自也嗚呼此余伯祖所每欲表而揭之也夫

其由來蓋有自也嗚呼此余伯祖所每欲表而揭之也夫

其由來蓋有自也嗚呼此余伯祖所每欲表而揭之也夫

其由來蓋有自也嗚呼此余伯祖所每欲表而揭之也夫

祭陳雲舫鴻臚文

惟光緒十有二年春三月癸丑節侍生洪良昂謹具香楮之儀
致祭於

誥授中憲大夫鴻臚寺少卿陳雲舫先生之靈曰惟

皇肇祀曰至

西陵鑾輿扈從左右股肱公職典客病莫能興告于

天子伏枕填膺曰歸未歸大命遽傾舉朝悼歎喪此國楨鳴呼
先生古皆有死我思先生於今疇比長安人海冠蓋馳逐裘馬

輕肥徵歌選曲戰勝紛華澹然寡欲古寺一燈左齋右粥先生

龍岡山人文鈔

百五

之操夷魚之躅茲位俄如迺直西曹明條謹獄不憤而驕逮掌
憲司案牘山高口答手判不弛于僚先生之績徐杜之勞風騷
旣降六義破碎振袂一呼羣暗坐廢海立雲垂雷電晝晦神龍
矯空沫噴紙背先生之詩杜韓之配嗚呼斯人豈曰云亡入土
不折譬破劍鉞百世而下永播芬芳公死不死我又何傷我之
攸傷我之攸厚一見傾心十年敬久我唱公和公游我偶易水
之旁燕山之右負杖尋花登高命酒落落幽懷同開笑口朔風
歲暮天地巖凝圍鑪命侶倒屣將迎出我藏器請鏤以銘公獨
奮筆屈其座朋座中何人曰敖曰許兩鄧一王李袁接武負聲

在時成癖於古公益其閒如水浸乳朋歡易散生者睽違而公
又死益我其誰我樂誰諧我憂誰寫四海茫茫道孤合寡遞鐘
輟響今古同唏知音難再望靈輻魂兮永逝音塵如昨追敘
平生以侑清酌素旒在庭微風動幕公其有知鑒予鄙薄尙饗

龍岡山人文鈔

百五



士云以計謂道遠志五頭微風應暮公其自賦墨子滴斷向鐘
湖邊今古同唏知音難再望靈輻魂兮永逝音塵如昨追敘
公其益我其誰我樂誰諧我憂誰寫四海茫茫道孤合寡遞鐘
輟響今古同唏知音難再望靈輻魂兮永逝音塵如昨追敘

祭范鶴生觀察文

嗚呼始誦公詩未覲公面既覲而親以詩爲券癸酉之秋與公
乘傳日至晉陽以甄才彥始出國門泥潦載塗手握龍節首奮
而趨既渡渟洳載涉微水徑香羊腸車不方軌驚風撼沙馬嘶
古壘並纒登高寒雲四起叱趙鳴韓興亡彈指我吟出喉公和
在紙王程迢遞星飯故關驛館夜靜孤燈照顏僕夫嚙語鼠鬪
人眼秉燭題壁我醉公歡明發揚鞭蜩旌飛導指畫山川雜以
誹笑太行如龍左顧右嘯候吏前迎輶車始到棘闈巖巖秋氣
霜凝五色瞽亂目眩神驚公心如秤公眼如燈一卷水雪骨冷

龍岡山人文鈔

百卷

且清如揀沙礫突遇珠明急洗報我雀躍歡騰榜出交賀采木
得楨歐梅之譽迺附公名公歸我隨我孤公侶交密情親如白
投杵樊湖港口急沫漂山築隄捍水衆喙譁喧訟言如雨公曰
不然砥澗鄰壑在手覆翻賈讓三策迺著于編謂我辨味屬我
綴言白首爲郎自傷遲老遙指匡山尙留鴻瓜棄我遐征思我
遠道一別十年渴懷饑抱園桃始放寄我雙魚上言健飯下言
著書噩耗忽來斯人何往上帝有書召公司掌公逝奚悲我存
安仰昔人鼓琴人亡輟響矧我與公知音共賞舊交彫落素心日稀
今公又逝吾道其衰感念曩歡景邁傷追隨風馳冀冥漠來歸尙饗

祭楊仲琳觀祭文

維光緒十六年十一月戶科掌印給事中洪良品謹具祭幛一

端馳奠於

諾授中憲大夫江南候補道仲琳仁弟之靈曰嗚呼聖道榛塞
斯文日漓六藝弛流百家闢奇餘波蕩滄史憤騷悲揚馬闖塗
迹踐退之鐘呂既暗曠代音希唯君角起手搏蛟螭百怪蟠胸
一噴淋漓如拽古冢蝌文鬼褐詭詭奇核讀之鉗舌如邁震霆
風雨怒加雪然晃朗渴虹飲霞有時裁經謨觴是斟執義之中
抉聖之心有時伐史枝說是斧不曠於今不盲於古始我友君
龍岡山人文鈔

百九

以道而羣君每箴我必當面可君器我文毋近自封我拜君言
恨曩之蒙一疑未析干言在紙駿辨斷斷揆諸一是酒闌把臂
肺腑欲出同病不聰代舌以筆旣別而思書以訊予累月斷絕
心疑目瞿馳問甫往噩耗突來海蕘鯨翻君冒其災憫君之學
百不一施道豐命屯而止於斯痛君之隱坦然無私行脩謗叢
唯我則知造物鑄才萬彙一冶直諒多聞如君者寔茫茫人海曠
我道同德孰我砥錯孰我攻我初聞喪涕出如繩我繼靜思物化
靡憑自古有死生榮沒已向歎洵軾一編千紀以今追古所得已多
魂雖長逝名永山河衡山屋屨湘水泮渙君靈在茲瞻靈我腸斷尚饗

年月日拙夫洪良品終期之喪命兒經兒權謹撤靈位先綴一
言告汝鄒氏之靈曰嗚呼汝之歸我纔四年耳而汝之棄予而
去也倏忽一寒暑於茲矣人生如白駒過隙無論歡娛之歲月
一迅難留回思奄奄牀簀含珠就暝時曾幾何日而穀升燧改
者已如彼也則後此之懸隔又何可言耶余平生琴瑟敦篤未
忍一日離汝去秋赴省試臨行汝囑買蓮實寄歸及病且殆有
問汝憶余否汝不言但以手自試脈息恐氣之絕蓋汝猶忍死
而待余歸也嗟夫區區百里閒道路非甚遙遠乃咫尺天涯致
龍岡山人文鈔

物子皆什襲藏之留爲他日手澤而汝已不在人間世則是無情之物徒益愁思何當於死者萬一嗚呼朝入室網塵蒙蒙然夕登牀鬪鼠唧唧然商飈射櫺燈焰明滅起坐默祝幽魂入夢而夢中景象是耶非耶髣髴兮髣髴兮殊質質不可辨汝死時經兒甫三歲權兒生纔踰月余每視藐諸孤恍恍無所依不覺潸然淚下想汝九泉下憶及二子不知若何悽慘然以余撫幼穉無汝爲之助雖後此幸至成人子見二子如見汝而見二子轉恨不見汝也豈不悲哉余方盛年峯叙不能如曾子之不再娶汝夙賢達自能喻亮但此副柔腸業爲汝摧折欲絕自今以往余亦不能長作無聲之泣矣去冬殯汝於先慈墓側靈床尙供舊室中余旣移居理宜撤去古人云期已久矣汝魂有靈當不介介於是也嗚呼當余與汝定情之時是何景象而生離死別乃有今日在當時雖觴夢幻想亦豈料風飄雲散之終作如是觀耶嗚呼哀哉嗚呼哀哉

龍岡山人文鈔

百矣

而遠中長夜長恨我孤凄今請令寂曾言不復將好天相證
登林遺韻幽咽悲風恨
詩及數語益添思面當效天音萬一詞平既入堂餘墨猶飛
如子皆什襲藏之留爲他日手澤而汝已不在人間世則

